





資治通鑑綱目卷之第八

起癸亥漢平帝元始三年。凡二十四年。凡二十四年。

亥癸

元始三年

考異

按前已書元始元年此元始二字羨

春聘安漢公恭女為皇

后

莽欲以女配帝以固其權奏言長秋宮未建掖庭媵未

充請考論五經定取后禮正十二女之義以廣繼嗣博

采二王後及周公孔子世列侯在長安者適子女事下

有司上眾女名王氏女多在選中莽恐其與已女爭即

上言子材下不宜與眾女並采太后詔王氏朕外家其

勿采庶民諸生即吏守闕上書公卿大夫伏省戶下咸

言願得公女以為集覽長秋宮索隱曰皇后宮名長秋

正十二女之義

以廣繼嗣

荀爽曰天子取十二女天之

數也春秋成八年衛人來媵注魯將嫁伯姬於宋故同

姓來媵禮也九年晉人來媵左傳曰禮也十年齊人來

媵公羊傳曰三國來媵非禮也何休學云諸侯一娶九



女唯天子娶十二女解云此保乾圖文孔子為後  
王非古禮也廣繼嗣說注見成帝建始二年姊姪

**書法**

立右書氏恒也書安漢公莽女權臣一轍也然則霍后止書立此則  
權在於光則書立大將軍光女權在於莽則書

聘安漢公莽女權臣一轍也然則霍后止書立此則  
曷為書聘厚聘也終綱目書立某女為皇后二而書

聘者一而已矣

**夏安漢公莽奏定制度**

莽奏吏民車服田宅器械喪祭嫁娶奴  
婢品制立官稷郡國縣鄉皆置學官

**書法**

於是郡國縣鄉皆置  
學官不書削之也

安漢公莽殺其子宇滅中山孝王后家殺敬武公主及汜

鄉侯何武故司隸鮑宣等數百人

莽長子宇非莽隔絕衛氏私與衛寶通書教衛后上書  
謝恩因陳丁傳舊惡冀得至京師莽白褒賞中山孝王

右益湯沐邑七千戶宇復教令上書求至京師莽不聽  
宇與師吳章及婦兄呂寬議章以為莽好鬼神可為變

惟以驚懼之因推類說令歸政衛氏宇即使寬夜持血  
灑莽第門吏發覺之莽執宇送獄飲藥死盡滅衛氏支

屬唯衛后在吳章要斬初章為當世名儒教授千餘人  
莽以為惡人黨皆當禁錮不得仕宦門人盡更名他師

平陵云敬時為大司徒掾自劾吳章弟子收抱章尸歸  
棺歛葬之莽因是獄窮治黨與連引素所惡者悉誅之

元帝女弟敬武長公主素非議莽紅陽侯立莽尊屬平  
阿侯仁素剛直皆以太皇太后詔迫令自殺郡國豪傑

及漢忠直臣不附莽者何武鮑宣及王商辛慶忌諸子  
皆坐死凡數百人海內震焉北海逢萌謂友人曰三綱

絕矣不去禍將及人即解冠掛東  
都城門歸將家屬浮海客於遼東

類而說誘之令其歸政其比  
質實鮑宣北海高城人

**書法**

辭繁不殺而莽之惡著矣故宇  
雖飲藥死書殺而鮑宣書故官

四年春正月郊祀高祖以配天宗祀孝文以配上帝考異

子甲



祖當 ○改殷紹嘉公曰宋公周承休公曰鄭公 **質實** 承休

注見元帝 ○二月遣大司徒宮等迎皇后未央宮

**書法** 書迎入未央宮何莽仇也故皇后未有書聘者

迎者上綱目皇后書

○遣太僕王惲等八人行天下觀風俗 ○加安漢公莽號

**宰衡**

初陳崇張竦奏稱莽功德以為宜恢國如周公至是太

保舜等及吏民上書者八千餘人復請如崇言章下有

司有司請益封公以新息召陵二縣及黃郵聚新野田

采伊尹周公稱號如公為宰衡位上三公言事稱野敢

言之賜公太夫人號功顯君封子男二人為侯加后聘

合為一萬萬以明大禮莽誓首辭讓不聽及起視事止

咸召陵黃郵新野之田復以所益納徵錢千萬遣太后

左右奉共養者莽雖專權然所以誑耀媚事太后下至

旁側長御方故萬端賂遺以千萬數知太后厭居深宮

中乃令太后四時車駕巡狩四郊存見孤寡貞婦賜民

錢帛牛酒歲以為常太保舜奏言天下聞公不受千乘

之而退雖文王卻虞芮何以加宜報告天下奏可於是

孔杖賜愈恐固稱疾辭位詔太師母朝十日一入省中置

**集覽**

屬按職如故物官 **新息** 縣名屬汝南今汝寧東南息

川召陵縣召音劭括地志故城在豫州鄆城東四十五

里黃郵聚落名在豫州南十里新野南陽新野縣今屬

鄧州上公禮春官典命曰上公九命為伯注上公謂王

尊之三公有德者加命為二伯二王之後亦為上公稱敢

言之敢猶言不敵文王卻虞芮詩綿篇虞芮質厥成注  
質芮之君爭田久而不平乃相謂曰西伯仁人也盍往  
邑男女異路頌白者不提挈入其朝士讓為大夫大夫  
讓為卿二國之君感而相謂曰我等小人不可以履君  
子之庭乃相讓以所爭田為閒田而退 **正誤** 黃郵今按  
蘇林曰虞在陝之平陸芮在同之馮翊



野縣有黃陞聚 **質實** 汝南郡治所後魏置東豫州梁改曰西豫

州又改曰淮州東魏復曰東豫州金復置息州元屬汝寧府唐

復置貞觀初廢以縣屬汝寧府召陵古邑名即春秋時諸

侯所盟之地秦置縣屬汝南郡漢改屬潁州郡晉省之

故城在開封府郟城縣東四十五里新野漢之縣名屬

南陽郡晉為義陽郡治後改義陽為新野郡治棘陽縣

西魏改郡曰黃岡及改棘陽為百寧縣後周以南棘陽

縣省入隋仍為新野縣屬鄧州唐省入穰州五代宋金

俱為新野鎮元復置縣屬鄧州本朝因之屬南陽府

震古國名春秋時屬晉戰國時屬魏為吳城漢為河東

郡大陽縣地東漢置河北縣後魏置河北郡治初隋初

罷郡以縣屬蒲州唐貞觀初改屬陝州天寶初治此隋初

瀆得古刃有象文曰平陸遂改平陸縣金元屬解州

本朝因之屬平陽府丙古國名春秋時丙伯寓居此戰

國時為魏國之附庸漢置安戎縣後周改丙城縣及置

未樂郡隋省郡以縣屬蒲州唐置丙州貞觀初廢州以

縣屬陝州金元屬解州

本朝因之屬平陽府

起明堂辟雍靈臺立樂經徵天下通經異能之士

起明堂辟雍靈臺立樂經徵天下通經異能之士

莽奏起明堂辟雍靈臺為學者築舍萬區制度甚盛立

樂經益博士員經各五人徵天下通一藝教授十一人

以上及有逸禮古書天文圖識鍾律月令兵法史篇文

字通知其意者皆詣公車網羅天下異能之士至者前

後千數胡氏曰明堂辟雍靈臺雜見於詩禮孝經孟子

其制作之詳不可得而聞矣然以理考之王者鄉明而

治古之堂然則是天子之外朝猶後世大朝會之正衙

王政之堂然則是天子之外朝猶後世大朝會之正衙

也若呂不韋青陽總章之制劉歆世室重屋之說則豈

可盡信乎若靈臺則詩與孟子言之亦燕游之所耳若

辟雍則未有明言其義也獨詩有之曰於樂辟雍又曰

鎬京辟雍而已夫辟君也雍和也言人君有和德則天

地之和應之而天下之心服之也此二詩者亦言與民

同樂建立都邑之事而已未遽及學校之政也况其上

章又有皇王維辟之云哉王制記天子諸侯之學始有

辟雍泮宮之名不知何所本而云也泮水之詩亦未有

以見其為學校者獨取匪怒

伊教之一言以為證則未矣

**集覽** 明堂注見武帝建元

元年辟雍注見成帝



綏和元年靈臺注見齊武帝永明十年圖識注見光武  
建武中元元年河洛識文又注見齊武帝永明三年識  
緯呂不韋青陽總章之制記月令天子春居青陽夏居  
明堂秋居總章冬居玄堂山堂考索曰陸德明云月令  
是呂不韋作蔡伯皆云是周公作予考諸月令其中官  
名時事多不合周法斷非周公贊為之雖用呂氏春秋  
十二紀之首亦不可專歸之不韋要之補葺而訂正之  
者漢儒力也劉歆世室重屋之說三代明堂之制夏曰  
世室殷曰重屋周曰明堂世室宗廟也言代代不毀也  
重屋正堂若大寢也四阿屋棟皆為重復明堂明政教  
之堂也見周禮考工記山堂考索曰周禮始於劉歆而  
成於鄭康成漢成帝時劉向子劉歆校理秘書見之始  
得列序著于錄畧然冬官亡矣歆以考工記足之考工  
記乃前世能識古制者所作也時衆儒並出共排以為  
非惟歆獨識馬後鄭康成作禮注泮宮泮通作類胡氏  
曰記曰魯人將有事於上帝必先有事於類宮鄭氏說  
有事于類宮告后稷也類宮郊之學也考諸禮記類宮  
廟之類也若非廟之類欲祀上帝而以始祖祭于學宮  
何義也哉益知類宮之非學  
昭昭矣而鄭氏考之未詳

**書法**

成帝之篇詔立辟雍未作而罷書惜之也於是  
書起明堂辟雍靈臺則莽奏為之書起明堂辟

雍靈臺始此終綱目書起明堂靈臺辟雍三  
武中元元年晉成帝咸和六年石勒書立明堂辟雍  
二晉成帝咸康五年張駿齊丙寅年元魏書定樂始  
此終綱目書定樂八年是新莽樂經齊丁卯年魏制  
樂章士午年梁正雅樂已丑年魏劉芳造樂器已未  
年西魏制樂隋文帝開皇九年詔定雅樂唐高祖武  
德九年祖孝孫定樂戊午年周實儼正樂書舉經  
士始此終綱目書經士六是年質帝本初元年晉簡  
文帝咸安二年秦主陳丁酉  
年周主五代丁巳年周世宗

**徵能治河者**

時又徵能治河者以百數其大畧異者關並言河決率  
常於平原東郡左右其地形下而土疏惡聞禹治河時  
本空此地秦漢以來河決南北不過百八十里可空此  
地勿以為官亭民室韓牧以為可略於禹貢九河處穿  
為四五宜有益王橫言河入勃海地高於韓牧所欲穿  
處往者海溢西南出寢數百里九河之地已為海所漸



矣禹之行河水本從西山東北去周譜云定王五年  
河徙則今所行非禹之所穿也又秦攻魏決河灌之决  
處遂大不可復補宜更開空使綠西山足乘高地而東  
北入海乃無水災司空掾桓譚典其議為甄豐言凡此  
數者必有一是宜詳考驗皆可豫見計定然後舉事費  
不過數億萬亦可以事諸浮食無產業民衣食縣官而  
為之作乃兩便時莽集覽本空空苦貢反亦虛也下可  
但崇空語無施行者集覽空同周譜周之世系也更開  
空更改也音孔小冗也質實平原郡名注見光武建武八年桓譚沛國相人

### 升宰衡位在諸侯王上

**書法**

此殊禮也書曰升命猶自上出也以莽之權而  
猶自上出何於是平帝尚幼太后專之書升所  
以病太后也然則曷為不斥太后貶必於其重者如  
是足以示譏矣終綱目書位諸侯王上者三其重者如  
帝建安十九年晉  
帝奕太和三年

### ○尊孝宣廟為中宗孝元廟為高宗○置西海郡

莽自以北化匈奴東致海外南懷黃支唯西方未有加  
乃遣使多持金幣誘塞外羌使言太皇太后聖明安漢  
公至仁天下太平五穀成熟或禾長丈餘或一粟三米  
或不種自生或不蠶自繭四年以來羌人無所疾苦願  
獻地內屬乃奏以為西海郡增法五質實黃支南蠻國  
十條犯者徙之以千萬數民始怨矣質實名注見元始  
元年

### 更定官名及十二州界

分京師置前輝先後承烈二郡更公卿大夫元士官名  
位次及十二州名分界郡國所屬罷置改易天下多事  
吏不能紀矣

### 五年春正月拾祭明堂集覽

拾祭拾胡夾反公羊傳大拾  
者何合祭也其合祭柰何毀

廟之主陳于太祖未毀廟之主皆升合食于太祖也續漢  
書三年一拾拾以冬十月五穀成故骨肉合飲食於太祖  
也又注見後主建○復南北郊  
興十五年禘禮



三十餘年間天地之祠凡五徙

置宗師

詔曰宗室子自漢元至今十有餘萬人其令郡國各置宗師以糾之致教訓焉

夏四月太師光卒以馬宮為太師

**質實**

馬宮東海人○五月加

安漢公莽九錫**考異**

按篡賊例曰凡篡國隨事異文而尤得政遷官皆依范史直以自為自立書之又封拜例曰凡殊禮皆書注曰王莽加號九錫之屬王莽是自為之以自為書則此當書曰安漢公莽自加號宰衡安漢公莽自加九錫今刊本綱目於董卓曹操等凡其遷官加殊禮皆書自惟此二條不書

自蓋傳錄闕漏耳

吏民以莽不受新野田而上書者前后四十八萬七千五百七十二人及諸侯王公列侯宗室見者皆叩頭言宜亟加賞於安漢公乃策命安漢公莽以九錫莽稽首再拜受綠鞞袞衣裳瑒璆瑒句履鸞輅乘馬龍旂

九旒皮弁素積戎路乘馬彤弓矢盧弓矢左建朱鉞右建金戚甲冑一具鉅鬯二首圭璜二九命青玉珪二朱

戶納陛署宗官祝官十**集覽**九錫何休曰禮緯合文嘉

服三樂則四朱戶五納陛六虎賁七弓矢八鈇鉞九鉅鬯皆所以勸善扶不能白虎通曰能安民者賜輿馬能

富民者賜衣服能和民者賜樂則民眾多者賜朱戶能進善者賜納陛能退惡者賜虎賁能誅有罪者賜鈇鉞能

能征不順者賜弓矢孝通備者賜鉅鬯舊說解輿馬謂大輅戎輅各一玄馬二也衣服謂玄袞也樂則謂軒縣

之樂也朱戶謂所居之室朱其戶也納陛謂從中階而升也虎賁謂三百人也弓矢彤珠之弓矢也鈇鉞謂大

柯斧賜之尊殺也和鬯謂秬鬯之酒賜以祭祀也綠鞞詩三百赤鞞注鞞亦作第音弗即鞞也韋為之所以蔽

膝其色視裳其形圓殺直大抵下廣二尺象地上廣一尺象天長三尺象三才頸五寸象五行兩角皆上接革

帶以繫之冕服謂之帝祭服謂之鞞名殊而義一也袞冕周禮袞龍衣也衣五章裳四章凡九皆締繡而畫以

為袞曲阿也謂繡龍蟠曲也五冕圖曰袞冕十二旒以則天數纁玉五采前後各用玉百四十四主祀昊天五

則天數纁玉五采前後各用玉百四十四主祀昊天五

則天數纁玉五采前後各用玉百四十四主祀昊天五

則天數纁玉五采前後各用玉百四十四主祀昊天五

則天數纁玉五采前後各用玉百四十四主祀昊天五



帝先王朝觀諸侯則服之上公亦龍衮前後皆九旒纁  
至則用九馬與服志冕冠垂旒前後遂延注遂垂也延  
見上覆瑒瑒瑒瑒瑒瑒瑒瑒瑒瑒瑒瑒瑒瑒瑒瑒瑒瑒瑒瑒瑒瑒瑒  
音必瑒瑒瑒瑒瑒瑒瑒瑒瑒瑒瑒瑒瑒瑒瑒瑒瑒瑒瑒瑒瑒瑒瑒瑒瑒瑒瑒瑒  
者履鳥頭飾出履一寸其形岐頭與服志赤舄約履以  
承大祭周禮履人注句當為絢絢謂之拘者鳥履之頭  
以為行戒句音劬又美踰反疏云狀如刀衣鼻音絢者  
取自拘持使低目不妄顧視驚駭注見成帝建始元年  
乘馬乘去聲馬供武用四匹曰乘侯伯之賜無常以功  
大小為度龍旒九旒旒倚也畫兩龍相倚以赤為之無  
文彩諸侯所建旒亦作旒旒旗之旒也禮巾車金路建  
大旒以賓同姓以封龍旒九旒旒以象大夫謂象蒼龍宿  
之形唐車服志一品之旒九旒旒注周禮通帛為旒九旒  
至地諸侯九旒旒至軫大夫七旒旒至轂士三旒旒至肩皮弁  
素積禮司服王賦朝則皮弁服注皮弁之服用十五升  
白布衣積素以為裳正義曰皮弁以鹿子皮為之高四  
寸長七寸制如覆杯前高廣後卑銳案積猶辟也蹙其  
腰中故謂之素積戎路戎車其飾如德車詳見輿服志  
形弓矢形册飾也諸侯有大功則賜弓矢得專征伐形

弓以講德習射藏示于孫盧弓矢盧或作茲音龍都及  
黑也朱鉞金戚鉞戚並斧屬朱鉞謂以册朱飾鉞之柄  
金戚謂以黃金飾戚也毛詩兵器圖戚與揚皆斧鉞別  
名傳謂戚為斧揚為鉞鉞大而斧小鉞也二白鉞白許  
反黑黍也也丑亮反香草也音酉又音由中尊也尊  
有三品彛中曰白下曰壘爾雅疏彛受三斗白五斗壘  
六斗以黑黍米持鬱金草取汁而煮之釀為酒其氣  
芬香條暢故謂之和也所以降神也謂當以錫命告其  
始祖故賜彛禮書云鬱草十二花狀如紅藍也未裸也  
實自其將裸則實彛矣禮九命然後賜鉞也圭瓚以祭  
祖廟圭瓚禮典瑞曰裸圭有瓚以肆先王以裸賓客鄭  
玄曰圭瓚禮也鄭司農云於圭頭為器可以挹也裸  
祭謂之瓚故詩云瑟彼玉瓚流在中國語謂之瓚圭  
以肆先王裸先王祭也爵行曰裸漢禮瓚槃大五升口  
徑八寸下有槃口徑一尺又禮玉人曰裸圭尺有二寸  
有瓚以祀廟注裸之為言灌也謂始獻酌奠也瓚形如  
槃其柄用圭有流前注用以灌也九命青玉瓚禮大宗  
伯有九儀之命正邦國之位一命受職再命受服三命  
受位四命受器五命賜則六命賜官七命賜國八命作  
牧九命作伯又典命曰上公九命為伯其國家宮室車



旗衣服禮儀皆以九為節六器圖云以青圭禮東方東  
生物之方也故圭銳以象春九命然後賜之雜記云公  
圭傳三寸厚半寸劍上左右各半寸其下方朱戶注見  
九錫下納陛尊者之階曰納陛孟康曰納內也謂鑿殿  
基際為陛不使露也顏師古曰尊者不欲露而升陛故  
納之於雷下虎賁賁舊作奔言其勇猛如虎之賁騰也  
王莽以古有勇士  
孟賁故名虎賁

**書法**

書曰加命猶自上出也以莽之權而猶自上出  
何於是平帝尚幼太后專之書升所以病太后  
也書九錫始此終綱目書九錫十四莽曹操司馬懿  
司馬昭趙王倫桓玄劉裕蕭道成蕭衍陳霸先楊堅  
唐王淵王世克朱全忠書加一莽書以書加者二懿  
全忠皆不受者也書自為復辭始受者二昭裕餘皆  
自書

**封王惲等八人為列侯**

王惲等還言天下風俗齊同詐造歌謠頌功德凡三萬  
言詔以惲等宣明德化萬國齊同皆封為列侯時廣平

相班穉獨不上嘉瑞及歌謠琅邪太守公孫闕言災害  
於公府甄豐劾闕造不祥穉絕嘉應嫉害聖政皆不道  
穉班使仔弟也太后曰班穉後宮賢家我所哀也闕獨  
下獄誅穉懼上書陳謝願歸相印入補延陵園郎莽又  
奏為市無二賈官無獄訟邑無盜賊野無**集覽**無二賈  
饑民道不拾遺男女異路之制犯者象刑**集覽**無二賈  
也賈讀曰價象刑孔子曰三皇設言民不違五帝畫象  
世順機何休曰此考經緯文也畫音獲畫猶設也其象  
刑者即唐傳云唐虞之象刑上刑赭衣不純注云純綠  
也時人尚德義犯刑者但易之衣服自為大耻中刑雜  
獲獲履也下刑墨幪幪巾也使不得冠飾以耻之也白  
虎通曰象刑者以衣服象五刑也犯墨者幪巾犯劓者  
赭其衣犯贖者墨其體犯宮者靡犯大辟者布其**質實**  
衣裾而無顏緣投之於市與眾棄之也靡扶味反**質實**  
廣平國名注見武帝元狩四年  
琅琊郡名注見新莽天鳳四年

**發定陶恭王母及丁姬冢取其璽綬秋八月太師大司徒**

**宮罷**



莽奏恭王母丁姬懷帝太后皇太后詔因故棺改葬  
冢取其璽綬太后不許莽固爭之太后詔因故棺改葬  
之莽奏恭王母丁姬懷帝太后皇太后詔因故棺改葬  
請更之奏可公卿在位皆阿莽指入錢帛遣子弟及諸  
生四夷凡十餘萬人操持作具助將作掘平之又墮壞  
恭皇廟冷褒段熲等皆徙合浦徵師丹封義陽侯月餘  
薨馬宮嘗與議傳太后慈謚至是為莽所厚故追誅前  
議者而獨不及宮宮內慙懼上書自言詔以侯就第

**實**合浦縣名注見梁武帝元鼎六年義陽縣名注見梁武帝太清二年

**書法**書發冢何甚之也終綱目書戮棺三思唐景龍四年武三思天寶十二年李林甫惟三思非

辭譏

冬十二月安漢公莽弒帝考異按篡賊例曰以毒弒者加

冀之類今分注莽因臘日上椒酒置毒考證當加進毒於酒中帝崩而大書不曰進毒蓋亦闕漏

按漢書平帝崩于未央宮歛加元服葬康陵無乃失書乎曰非帝皆善葬大何於平帝獨不曰葬康陵

也春秋弒賊不討不書葬以為無臣子也王莽篡賊干統十有四年之久然後劉玄起光武中興衆共誅之綱目不

書葬平帝蓋本撫實一統志云康陵在西安春秋之法也歟

帝益壯以衛后故怨不悅莽因臘日上椒酒置毒酒中帝有疾莽作策請命於泰時願以身代藏策金滕置于

前殿敕諸公勿敢言帝崩莽令吏皆服喪三年歛加元服葬康陵班固曰孝平之世政自莽出喪善顯功以自

尊盛觀其文辭方外百蠻無思不服休徵嘉應須臾並作至乎變異見於上民心怨於下莽亦不能文也

**覽**臘日漢以大寒後戌日為臘記月令孟冬臘先祖羅璧識遺曰鄭玄注臘即周禮所謂蜡祭也余讀王燭

寶典云臘祭先祖蜡祭百神則蜡與臘異蜡祭因饗農以終歲勤動而息之臘獵也獵取禽獸祭先祖重本始

也二祭寓意不同所以臘于廟蜡于郊又注見新莽始建國三年祖臘藏策金滕武王有疾周公請命三王欲

以身代死史錄其策藏之於匱緘之以金故曰金滕匱也滕即束縛之義

**發明**平帝之終前史雖明言置毒酒中然皆以帝崩為文至綱目始正名定罪直書弒逆者所以誅



亂臣賊子為萬世戒爾九莽紛紛制作褒賞殺戮不可勝紀綱目雖不盡削要之大逆大惡之人其姦偽之迹初無足深論者故亦得略之

### 以平晏為大司徒

**書法** 帝裁矣晏之為司徒孰以之以上書裁帝下書以晏為司徒晏蓋以聞乎裁者故莽封拜平晏不書書曰其黨與合而觀之當時之獄具矣

### ○太皇太后詔徵宣帝玄孫又詔安漢公莽居攝踐祚

太后與羣臣議立嗣時元帝世絕而宣帝曾孫有見王五人列侯四十八人莽惡其長大曰兄弟不得相為後乃悉徵宣帝玄孫立之初泉陵侯劉慶上書言皇帝富於春秋宜令安漢公攝行天子事如成王周公故事群臣皆以為宜至是前輝光謝囂奏浚井得白石有丹書文曰告安漢公莽為皇帝太后曰此誣罔天下不可施行太保舜謂太后事已如此無可奈何莽非敢有他但欲稱攝以重其權填服天下耳太后力不能制乃下詔曰已徵孝宣皇帝玄孫二十三入差度宜者以嗣孝平皇帝之後玄孫年在襁褓不得至德君子孰能安之其令安漢公居攝踐祚如周公故事具禮儀奏於是羣臣奏言請安漢公踐祚服天子教冕背斧依于戶牖之間南面朝羣臣聽政其車服警蹕民臣稱臣妾皆如天子之制祭贊曰假皇帝民臣謂之攝皇帝自稱曰予平決朝事常以皇帝之詔稱制其朝見太皇太后皇帝皇后皆復臣節自施政教於其官家國采如諸侯禮儀故事詔**集覽** 見王見在為王者前輝光莽分京師置前輝曰可**集覽** 光後承烈二郡踐祚記文王世子成王幼不能治作周公相踐祚而治注洫視踐履也成王不能視作階行人君之事周公代履階階攝王位治天下背斧依背亦作倍斧形今之屏風則遺象也昔周公朝諸侯于八尺畫為斧形今之屏風則遺象也昔周公朝諸侯于明堂天子負斧依南面而立鄭玄曰天子周公也負之言倍也斧依為斧文屏風於戶牖間周公於前立焉家國采刑法志采地注采官也因其土地曰采地羅璧識遺曰采者采取賦稅自供不得有其土地人仍不得世封後漢馮魴其先食菜馮城貢泉陵漢之縣名父曰案文菜當為采音乃為菜耳**質實** 蜀零陵郡東漢



郡治於此晉以後因之隋改泉陵為零陵縣以應陽永  
昌祁陽三縣省入屬永州唐宋元仍舊國朝因之為  
永州府治所仍屬焉

**書法**

書又詔何病太后也既詔徵宣帝玄孫矣未至  
而詔莽居攝踐祚然則王莽之篡太后不得

辭其  
答矣

寅丙

孺子嬰居攝元年春正月王莽祀南郊

**書法**

前載書安漢公莽矣此書王莽何不予其祀南  
郊也綱目別嫌明微故於此斥書之自是有事

皆斥書莽  
而削其姓

**發明**

莽之竊國固無足言然自居攝以前綱目皆書  
其官者明其猶為漢之臣子也至是始削去之

而稱王莽自此  
以後止書莽矣

○三月立宣帝玄孫嬰為皇太子號曰孺子

嬰廣戚侯勲之孫顯之子也年  
二歲託以為卜相最吉立之

**質實**

一統志云廣戚漢  
之縣名屬沛郡元

魏省之故城在徐州城西  
北一百八十里沛縣境內

尊皇后曰皇太后○夏四月安眾侯劉崇起兵討莽不克

死之

安眾侯劉崇與相張紹謀曰莽必危劉氏天下非之莫  
敢先舉此乃宗室之耻也吾帥宗族為先海內必和從  
者百餘人遂進攻

**據實**

安眾縣名注見周赧王十七年  
宛縣名注見周赧王十七年

**書法**

於是崇帥百餘人攻宛不入而敗耳書起兵死  
之予倡義也書死之始此終綱目書死之五十

五年劉崇二年翟義莽已巳年劉快靈帝中平四  
年傳熒獻帝建安二十三年耿紀等後主景耀三年

魏王經炎興元年吳張悌惠帝永熙七年周處未興元年  
帝太康元年吳張悌惠帝永熙七年周處未興元年

劉沈嵇紹懷帝永嘉五年譙登愍帝建興元年庚岷  
等四年吉朗元帝建武元年辛賓大興四年段匹碑



未昌元年譙王丞成帝咸和三年十壹桓彝帝興  
寧三年沈勁孝武帝大元元年涼掌據四年吉提十  
年煇王充十三年後秦徐嵩十四年秦后毛氏安帝  
元興元年姚平義熙十年何無忌齊壬午年顏見遠  
梁丁未年魏崔楷己巳年梁章祭張陳等唐戊寅年  
劉感呂子臧己卯年張善相辛巳年李亥通高宗龍  
朔二年來濟中宗嗣聖十五年高顯宗至德二年張  
年李愷等十五年顏果卿張興肅宗至德二年張  
等德宗建中元年段秀實懿宗咸通四年恭龔五代  
癸未年唐裴約梁王彦章庚寅年唐姚洪辛卯年夏  
魯奇甲午年宋令詢乙巳年晉沈斌辛亥年漢鞏廷  
美乙卯年蜀趙崇溥丁巳年唐仁瞻戊午年唐張彥  
卿凡六人

**發明** 劉崇起兵從者僅百餘人可謂微之微者矣然  
書爵書討書死之者所以正逆賊之罪褒死節

世勸也

### 五月太皇太后詔莽朝見稱假皇帝

群臣復白劉崇等謀逆者以莽權輕也官尊  
重以填海內太后乃詔莽朝見稱假皇帝

### 冬十月朔日食○西羌反

西羌龐恬等怨莽奪其地反  
攻西河太守莽遣兵擊破之

### 二年夏五月莽更造貨

錯刀一直五千契刀一直五百大錢一直五十與五銖  
錢並行民多盜鑄者禁列侯以下不得挾黃金輸御府  
受直然卒

**集覽** 錯刀食貨志貨寶於金利於民也莽造錯刀蓋  
不與直

身形如刀以黃金錯其文曰一分直五錯塗  
也契刀其環如大錢徑寸二分文曰契刀五百

**書法** 凡七變綱目悉書之於是莽錢終西漢之世錢貨  
不書書更造貨畧之也己巳作小錢重一銖不書書

禁剛卯金刀庚午更作金銀龜貝錢布不書書作寶  
貨甲戌作貨布貨泉二品不書書改錢貨法皆略之  
也其略之何數更也莽自居攝以至傳首十有八年

卯丁



耳而錢貨凡四變莽之煩於改作類如此自古以來錢幣數變未有如莽之亟者也

秋九月東郡太守翟義起兵討莽立劉信為天子三輔豪

禁起兵應之莽遣兵拒擊義戰不克死之信亡走

東郡太守翟義方進之子也與姊子陳豐謀曰新都侯攝天子位必代漢家今宗室衰弱外無疆藩天下傾首服從莫能亢扞國難吾父子受漢厚恩義當為國討賊欲舉兵西誅不當攝者選宗室子孫輔而立之設令時命不成死國理名猶可以不慙於先帝汝肯從我乎豐年十八勇壯許諾義遂與都尉劉宇嚴鄉侯劉信信弟璜結謀勒其車騎材官士募郡中勇敢部署將帥立信為天子義自號大司馬柱天大將軍移檄郡國言莽鴆殺孝平皇帝攝天子位欲絕漢室今天子已立共行天罰郡國皆震比至山陽衆十餘萬莽聞之惶懼不能食太皇太后謂左右曰人心不相遠也我雖婦人亦知莽必以是自危莽乃拜孫建等七人為將軍將甲卒發奔命以擊義三輔豪傑趙朋霍鴻等聞義起自稱將軍燒官寺殺都尉相與謀曰諸將精兵悉東京師空可攻長

安眾至十餘萬衆見未央殿莽復拜王級為將軍西擊朋等日抱孺子禱郊廟會群臣而稱曰昔周公攝政而管蒞挾祿父以畔今翟義亦挾劉信而作亂自古大聖猶懼此况臣莽之斗筭群臣皆曰不遭此變不章聖德莽依周書作大誥論天下以當反位孺子之意諸將東至陳留與翟義會戰義敗死竟不得信發奔命發徵發也奔命謂奔走來歸命者荀子曰奔命者不獲祿父紂之子即武庚也父音甫

**發明**

王莽篡逆舉朝和之舉天下和之是無一人知

起遂至十餘萬衆義兵亦少振矣雖不克而死然聲大義於天下使賊莽之罪益以暴著其有功於漢為如何哉三輔應者書曰豪傑所以褒從義之士為臣子之勸爾綱目急於討賊如此其為後世之戒豈不

嚴哉

辰戌

初始元年春地震○三輔兵皆破滅

通鑑綱目卷之八

漢書卷之九十九

九



王級等擊趙朋霍鴻皆殄滅諸縣悉平莽乃置酒白虎殿治校軍功依周制爵五等以封功臣當賜爵關內侯者更名曰附城莽於是自謂威德日盛大獲天人之助遂謀即真之事矣

**書法**

不書莽破滅之何不逆加順也故上書義戰守將甄阜梁丘賜戰不利皆不以逆加順之辭也綱目訖莽之敗凡戰皆不以莽主之

秋九月莽母功顯君死

莽母死意不在哀自以居攝踐祚奉漢大宗之後為功顯君總練弁而加麻環經如天子予諸侯服凡壹甲再會而令孫新都侯宗為主服喪三年司威陳崇奏莽兄子光殺人莽怒切責光光遂母子自殺初莽以事母養嫂撫兄子為名及後集覽總練弁而加麻環經周禮司特霄復以示公義馬服王為諸侯總練其首服弁經注君為臣服甲服也弁經者如爵弁而素加環經鄭司農云環經謂弁經服謂之環言輕細如環之形

**書法**

嚴矣是故莽母書死莽妻書死莽太師書死莽

大夫書死所以賊莽也凡盜賊書死

**發明**

莽母不書卒而書死惡其母所以惡莽也莽前殺其子宇猶書之至是殺嫂及其子光削而不書者大惡之賊不責其小罪也

十一月太皇太后詔莽號令奏事母言攝

劉京言齊郡新井倉雲言巴郡石牛滅鴻言扶風雍石莽皆迎受十一月莽奏壬子冬至巴石牛雍石文皆到未央前殿臣與太保舜等視天風起塵冥風止得銅符帛圖於石前文曰天告帝符臣莽敢不承用臣請號令天下天下秦言事母言攝以居攝三年為初始元年用應天命臣莽夙夜養育隆就孺子令與周之成王比德侯加元服復子明辟集覽新井齊郡臨淄縣昌興亭長如周公故事奏可辛當一暮夢天公使來告之

**集覽**

新井齊郡臨淄縣昌興亭長

曰攝皇帝當為真即不信此亭中當有新井晨起視之誠有新井入地且百尺石牛在巴郡雍石在扶風郡雍縣是也復子明辟如周撥實齊郡注見桓帝永康元年公故事事見周書洛誥篇年青州巴郡注見獻帝



建安十九年扶風郡名注見周顯  
王八年岐縣雍縣名注同上年

**書法**

於是莽奏請也故自詔居攝詔稱假皇帝詔母  
言攝每進必有太皇  
太后所以深病之也

十二月哀章作銅匱以獻莽莽自稱新皇帝更號太皇太  
后為新室文母太皇太后

梓潼人哀章學問長安素無行作銅匱為兩檢署其一  
曰天帝行璽金匱圖其一署曰赤帝璽邦傳予皇帝金  
榮書日昏時衣黃衣持匱至高廟以付僕射僕射以間  
莽至高廟拜受金匱神禪御王冠謁太后還坐未央宮  
前殿下書曰皇天上帝降頭大祐屬予以天下兆民赤  
帝漢氏高皇帝之靈承天命傳國金策之書予甚祇畏  
敢不欽受已御王冠即真天子位建元有天下之號曰新  
以十二月朔為始建國元年正月之朔時以孺子未立  
璽藏長樂宮莽請之太后不肯授莽使安陽侯舜論指  
太后怒罵之曰而屬父子宗族兼漢家力富貴累世既

無以報受人孤寄乘便利時奪取其國不復顧恩義人  
如此者狗猪不食其餘天下豈有而兄弟邪且若自以  
金匱符命為新皇帝變更正朔服制亦當自更作璽傳  
之萬世何用此亡國不祥璽為而欲求之我漢家老寡  
婦旦暮且死欲以此璽俱葬終不可得太后因涕泣而  
言旁側長御以下皆垂涕舜亦悲不能自止良久乃仰  
謂太后臣等已無可言莽必欲得傳國璽太后寧能終  
不與邪太后聞舜語切恐莽欲脅之乃出漢傳國璽投  
之地曰我老已死如而兄弟今族滅也莽又欲改太后  
漢家舊號易其璽綬於是張求獻符命言太皇太后當  
為新室文母太皇太后莽從之班彪曰三代以來王公  
失世稀不以女寵及王莽之興由孝元后歷漢四世為  
天下母饗國六十餘載群弟世推更持國柄五將十侯  
卒成新都位號已移於天下而元后卷卷猶握一璽不  
欲以授莽婦**集覽**邦傳予邦漢高帝名予讀曰與臣等  
人之仁悲夫已無可言顏師古曰言不可諫止也  
潭南王若虛諸史辯惑曰顏說非也其意蓋云不足道  
而已**新都**謂新都侯王莽也案新都屬廣漢郡今成都  
府新都縣**卷卷**顏師古曰讀與拳拳**正誤**臣等已無可  
同前書賈相之傳敢味死竭卷卷



意謂因知不可但事  
勢如此無可說者  
**據實** 一統志云梓潼郡名注見獻

見秦二世三年新都  
漢之縣名屬廣漢郡後置新都郡  
改新都曰興樂縣後併入成都唐復置新

都縣宋元仍舊  
國朝因之改屬成都府

**書法**

書稱帝有之矣未有書自稱皇帝者此其書自

命明矣故雖以十二月朔為元年正月朔不書不成

之為帝也終綱目書自稱皇帝二王莽趙王倫皆無

**發明**

者亦太母也書詔莽稱假皇帝書詔莽居攝踐祚

事母言攝者又皆太母也莽之為姦飾詐行脅制之

術元后固無如之何然非賴其主之於內亦何以肆

其謀哉至於改號即真乃始卷卷於一壘蓋已晚矣

網目書莽篡竊之由一則曰太皇太后二則曰太皇

太后所以推原其本為後世外戚之戒爾

已巳

新莽始建

**考異**

按歲年例曰篡賊朱注國名墨注

春正月

莽廢孺子為定安公孝平皇后為定安太后

莽策命孺子為定安公封以萬戶地方百里立漢祖宗

之廟於其國與周後並行其正朔服色以孝平皇后為

定安人后讀策畢莽親執孺子手流涕歔歔曰昔周公

攝位終得復子明辟今予獨迫皇天威命不得如意哀

嘆良父中傳將孺子下殿北面稱臣百僚陪位莫不感

動定安第置門衛使者監領勅阿乳母不得與語常在

四壁中至長大  
**質實** 一統志云定安漢縣名屬安定郡

**按金匱封拜其黨與**

莽按金匱封拜王舜平晏劉秀哀章為四輔甄邯王尋

王邑為三公甄豐王興孫建王盛為四將凡十一公三

興故城門令史王盛賣餅兒莽按符命求得此姓名

**書法**

特筆也於是封拜者十一公

不悉書書曰其黨與賤之也



改諸官名降漢諸侯王皆為公王子侯皆為子

王二十二人侯百八十一人

立九廟以漢高廟為文祖廟

莽因漢承平之業一朝有之其意未滿陋小漢家制度欲更為疏闊乃自謂黃帝虞舜之後至齊王建孫濟北王安失國齊人謂之王家因為氏故以黃帝為初祖虞舜為始祖追尊陳胡公為陳胡王田敬仲為齊敬王謚濟北王安為愍王立祖廟五親廟四天下姚姁陳田王五姓皆為宗室以漢高廟為文祖廟漢氏園廟祠薦如集覽以漢高廟為文祖廟書舜典受終于文祖蔡氏傳曰受終者堯終帝位之事而舜受之也文祖者堯始祖之廟未詳所指為何人今莽以漢高廟為文祖廟者欲法舜受終之義

禁剛卯金刀

莽以劉之為字卯金刀也詔正月剛卯金刀之利皆不得行乃罷錯刀契刀及五銖錢更作小錢徑六分重一

銖與前大錢五十者為二品欲防民盜鑄乃禁不得挾銅炭

夏四月徐鄉侯劉快起兵討莽不克死之

**撫實**

一統志云徐鄉漢之

縣名屬東萊郡東漢省之故城在登州府黃縣界內武帝封膠東王子為徐鄉侯即此

○莽禁不得

買賣田及奴婢

莽曰古者一夫百畝什一而稅秦壞聖制廢井田疆者規田以千數弱者曾無立錐之居又置奴婢之市與牛馬同闌制於民臣顛斷其命繆於天地之性人為貴之義漢氏滅輕田租三十稅一常有更賦罷產咸出豪民而為姦俱陷于辜刑用不錯今更名天下田曰田奴婢曰私屬皆不得買賣其男口不盈八而田過一井者分餘田予九族鄉里鄉黨故無田今當受田者如制度敢有非井田聖制無法惑眾者投諸四裔以禦魑魅如皇始祖考虞帝故事胡氏曰井田良法致治平之本也古之帝王以天下為公視民饑寒如在己故均地利以予民而不專其奉加以公卿諸侯選賢舉德共行此道



持以悠久故法立而弊不生維持千有餘年及秦廢之漢不能復至董仲舒始欲以限田漸復古制其意甚美然終不能行者以人主自為兼井無以使民興於庶也又况弄賊而能行乎然井田實萬世之良法而買賣奴婢之禁亦仁政所當先不可**集覽**與牛馬同關本傳以莽所嘗為而指以為非也

**集覽** 闡作蘭顏師古曰蘭避蘭也即牛馬蘭園分田劫假食貨志注分田謂貧者無田取富者田耕共分所收假者貧人貸富人田劫者富人劫奪其稅侵欺之也刑用不錯錯置也古者民不犯法刑錯而不用今則刑用而不錯四裔賈逵曰四裔之地去王城四千里裔衣裾也徐廣曰裾衣邊也故謂之四裔井田良法穀梁傳宣十五年古者三百步為里名曰井田井田者九百畝公田居一莞甯注出除公田八十畝餘八百二十畝故井田之法八家共一井八百畝餘二十畝家居二畝半為廬舍楊士勛疏云何休又云古者井田之法一夫一婦受田百畝身與父母妻子五口以為一戶公田十畝又廬舍二畝半凡為田一頃一十二畝半也八家而有九頃故曰井田若五口之外名曰餘夫餘夫率受田二十五畝半記異聞耳於苑氏注亦無所取

### 秋遣五威將帥班符命更印綬

遣五威將王奇等十二人班符命四十二篇於天下王侯官吏外及蠻夷皆即授新印綬因收故漢印綬五威將乘乾文車駕坤六馬背負鷲鳥之毛服飾甚偉每一將各置五帥將持節帥持幢東至夫餘南歷益州西至西域北至**集覽**鷲鳥顏師古曰鷲必滅反雉屬即駿驥也釋名雉之態惡者陸佃云冠冠背毛黃項上綠胃腹洞赤可禦火夫餘地名在長城北本高麗國王王子名東明者王欲殺之走渡施掩水因都夫餘故以為號夫**接實**夫餘東夷國名注見桓帝延熹九年益通作扶夫**州郡名注見武帝元狩元年西域注見哀帝元熹元年匈奴庭注見武帝元狩四年**

### 冬霽桐華大雨雹

### 二年春二月莽廢漢諸侯王為民

五威將帥還奏事漢諸侯王為公者悉上璽綬為民以獻符命封侯者三人班固曰漢興懲秦孤立之敗尊王

午庚



子弟大啓九國諸侯比境周匝三垂天子自有三河東  
郡穎川南陽自江陵以西至巴蜀北自雲中至隴西與  
京師內史凡十五郡公王列侯領邑其中而藩國大者  
其正矣然卒折諸呂之難成太宗之業者亦賴之於諸  
侯也諸侯原本以大末流濫以致溢小者滯荒越法大  
者睽孤橫逆以害身喪國故文帝分齊趙景帝削吳楚  
武帝下推恩之令而藩國自析景遭七國之難抑損諸  
侯減黜其官武有衡山淮南之謀作左官之律設附益  
之法諸侯惟得衣食稅租不與政事至於哀平之際皆  
離體苗裔親屬疎遠生於帷墻之中不為上民所尊執  
與富室亡異而本朝短世國統三絕是故王莽知漢中  
外殫徵詐謀既成遂據南面之尊分遣五威之使馳顯  
作威福詐謀既成遂據南面之尊分遣五威之使馳顯  
天下班行符命漢諸侯王厥角稽首奉上璽敕集覽  
惟恐在後或乃稱美頌德以求容媚豈不哀哉集覽  
東南西三邊末流濫以致溢原父曰以其原本大而末  
流易於汎濫故滿而溢睽孤橫逆易睽卦注睽乖之時  
孤立無援故口睽孤孟子曰有人待我以橫逆注不順  
理也七國之難景帝時共王濞膠西王卬膠東王維卬

菑川王賢濟南王辟光楚王戊趙王遂七國反衡山淮  
南之謀武帝時衡山王賜淮南王安二國謀反左官之  
律漢書音義曰人道尚右故降秩為左遷捨天子仕諸  
侯為左官附益之法漢書音義曰謂背正法而厚於私  
家也厥角稽首書秦誓百姓懍懍若崩厥角注危懼不  
安若崩摧其角無所容頭孟子盡心若崩厥角稽首注  
若崩厥角領角犀厥地名正誤大啓九國周匝三垂今  
稽首拜命亦以首至地也按漢都長安在西當謂  
東南北三邊九國者燕代  
齊趙梁楚吳淮南長沙也

### 立五均司市錢府官令民各以所業為貢推酒酤

國師公劉秀言周有泉府之官收不售與欲得莽遂於  
長安及洛陽邯鄲臨淄宛成都立五均司市錢府官司  
市常以四時仲月定物上中下之賈各為其司平民賣  
物不售者均官考驗得實用其本賈取之物貴過平一  
錢則以平賈賣與民賤減平者聽民自相與市又民有  
乏絕欲除貸者錢府與之每月百錢收息三錢諸取金  
銀連錫鳥獸魚鼈畜牧桑蠶織紉紡績補縫工匠醫巫  
卜祝方技商賈皆各自占所為於其所之縣官除其本



計其利十分之而以其一為貢敢不自占自占不以實者盡沒入所采取而作縣官一歲義和魯匡復奏請推

酒酤集覽泉府周禮泉府掌以市之征布斂市之不售

賣物不售者均官收之民欲賒賒貨者泉府之官與之周禮司市以泉府同貨而斂賒注同者謂民貨不售則為

歛而買之民無貨則賒貫而予之五均食貨志樂語有五均鄧展曰樂語樂元語河間獻王所傳道五均事贊

曰其文云天子取諸侯之士以立五均市無二賈四民常均司市周禮司市掌市之治教政刑為其司平去

聲平定物賈也周禮司市質劑鄭司農云今月平是也平皮命反連錫連本作鏈鉛礦也錫鑠也自占注見武

帝元狩四年所之縣句絕之適也作縣官於所之之縣役作一歲以示罰也義和莽改大司農曰義和後又改

名納正誤於其所之縣官除其本計其利今按史註不取指斥天子謂為縣官此云縣官猶今言官

司公家也於其所之當為一句謂所適之處也食貨志作於其在所之縣官多一在字謂所在處之縣官也下文復出縣官字集覽破

句專指所適之縣非也

**書法**

漢武之篇書初推酒酤至昭帝罷之矣於是再見自是至晉有書開弛無書推者則莽復作偏

也故

匈奴擊車師戊巳校尉官屬殺尉應之

莽既班四條護烏桓使者告烏桓毋得復與匈奴皮布稅匈奴責稅收首豪縛倒懸之酋豪昆弟共殺匈奴使

單于聞之發兵攻擊毆婦女弱小且千人去置左地曰持馬畜皮布來贖之烏桓持財畜往贖匈奴受留不遣

及五威將帥至匈奴易單于故印故印文曰匈奴單于壘莽更曰新匈奴單于章單于再拜解故印綏奉上將

帥受著新綏不解視印至夜右帥陳饒曰單于視印見其變改必求故印此非辭說所能距也如椎破故印

以絕禍根將帥猶與莫有應者饒無士果悍即引斧椎壞之明日單于果白將帥曰漢諸侯王已下乃有漢言

章今去壘加新與臣下無別願得故印將帥示以故印單于知已無可奈又多得賂遺即遣弟隨將帥入謝將

帥還過左地見烏桓民多以聞詔匈奴還之單于重怨恨乃遣兵萬騎以護送烏桓為名勒兵朔方塞下莽遣



兵擊之當出西域車師後王憚於供給謀亡入匈奴都  
護但欽斬之其无狐蘭支遂將眾二千降匈奴單于遣  
兵與共擊車師殺後城長傷都護司馬戊巳

**集覽** 四條平帝  
元始二年頒四條於匈奴酋豪酋長豪疆也酋慈秋反  
不音囚酋長魁帥之稱左地即左方也先匈奴左方王  
將居東方直上谷元封六年徙左方兵直雲中猶與注  
見秦孝文王元年猶豫有漢言章漢之諸侯王印乃有  
漢字而謂之章也案漢官儀吏秩比二千石以上銀印  
龜紐其文曰章刻曰某官之章後城長後王城之長戊  
巳校尉吏陳良終帶  
皆戊巳校尉之吏也

### 冬莽罷漢廟及諸劉為吏者

孫建奏陳良終帶自稱廢漢大將軍亡入匈奴漢氏宗  
廟不當在長安城中及諸劉當與漢俱廢請皆罷之莽  
曰可嘉新公國師等三十二人皆知天命勿賜姓  
罷賜姓曰王唯國師以文配莽子故不賜姓

**集覽** 嘉新  
師國師劉秀也  
加封為嘉新公

### 更號定安太后曰黃皇室主

太后年未二十自劉氏廢常稱疾不朝會莽欲嫁之乃  
更號為黃皇室主欲絕之於漢今孫建世子盛飾將醫  
問疾太后大怒  
因發病不肯起

#### 書法

書何予守義也終綱目故后書更號者二黃皇  
室主隋樂平公主皆守義者也據北齊太原公  
主不書更號  
改節故也

十二月雷莽改匈奴單于為降奴服于遣其將軍孫建等  
擊之

莽恃府庫之富欲立威匈奴乃更名匈奴單于曰降奴  
服于遣孫建等率十二將分道並出募卒三十萬人先  
至者屯於邊郡須畢具乃同時出窮追匈奴內之丁令  
分其國土人民以為十五立呼韓邪子孫十五人皆為  
單于

**撫實** 丁令西域國名注  
見武帝天漢元年



**書法**

戰國之大夫稱其所以別外大夫也莽雖篡逆

**更作寶貨**

軍云爾不予其有將軍也

莽下書曰寶貨皆重則小用不給皆輕則僦載煩費輕

錢布之品名曰寶貨凡五物六名二十八品百姓憤亂

不可禁乃重其法一家鑄錢大小兩行難知又數變改不

信皆私以五銖錢市買莽復下書諸挾五銖錢者投四

涕泣於市道

費也龜貝古者貨貝寶龜食貨志曰金刀龜貝所以分

財布利通有無者也注龜以下古貝以表龜又有十朋

五貝皆用為貨其各有多少兩貝為朋故直二百一十

六元龜十朋故直二千一百六十以下各有差錢布索

隱曰周景王鑄大錢布泉者言貨流布民間故周禮有

三夫之布食貨志云貨布長二寸五分首長八分足枝

長八分

莽將軍甄豐自殺莽遂殺劉棻甄尋丁隆等數百人

莽之謀篡也吏民爭為符命皆得封侯其不為者相戲

曰獨無天帝除書乎司命陳崇白莽此開姦臣作福之

路而亂天命宜絕其原莽亦厭之遂使尚書驗治非五  
威將率所班皆下獄初甄豐劉秀王莽為莽腹心唱導  
在位褒揚功德安漢宰衡之號皆所共謀而豐等亦受  
其賜並富貴矣非復欲令莽居攝也居攝之萌出於劉  
慶謝器等莽羽翼已成意欲稱攝豐等承順其意莽輒  
復封豐等子孫以報之豐等爵位已盛心意已滿又實  
畏漢宗室天下豪桀而疏遠欲進者並作符命莽遂據  
以即真舜秀天下懼而已曹素剛疆莽覺其不說而豐子  
尋復作符命言黃皇室主當為尋妻莽怒曰黃皇室主  
天下母此何謂也收捕尋豐自殺尋亡捕得辭連國師  
公秀子棻及門人丁隆等牽引公卿黨親列侯以下死  
者數百人乃流棻于幽州放尋于三危殛隆于羽山皆



驛車載其**集覽**居者曰州帝堯本紀作幽陸括地志云

故龔城在檀州燕樂縣界故老傳云舜流共工居此城

崇山南裔也在今澧州正義曰張揖云崇山即秋山也

案海外經云狄山帝堯葬其陽三危一名甲羽山在沙州敦煌縣

東南三十里鄭玄引河圖及地說云三危在鳥鼠山西

南與岐山相連或曰金城河關縣西南羌地是濱于

析支至于河首綿亘千里羽山東裔也括地志云羽山

在今沂州臨沂縣索隱曰案水經羽山在東海祝其縣

南之極地傳致杜預曰俗名懲父山祝其夾**管實**云一統志

括地志云故共城在檀州燕樂縣北五十里即共城是也

州之地崇山在岳州府慈利縣西北三十里舜放驩瓊

于崇山即此三危山名在陝西行都指揮使司故沙州

城東南二十里其山三峯峭絕舜殺三苗于三危即此

羽山在登州府城東南三十里舜殛鯀于羽山即此

淮安府贛榆縣西北八十里有羽山亦言是舜殛鯀之處二說未詳孰是

**書法**

於是莽既即真豐不悅莽覺之及豐子尋作符命莽收捕尋豐自殺莽有誅意於豐則尋為止以自殺書罪豐也豐以莽即真故不悅猶有天理焉則其罪之何豐為莽腹心以成其篡莽事已成而始不悅則已晚矣書曰自殺若曰其所自取云爾下書遂殺劉棻等數百人則甚莽也前書殺敬武公主等數百人此書殺劉棻等數百人而兵起繼之矣

**起八風臺**

莽始興神僊事以方士**集覽**八風臺觀四方而高者曰言起八風臺成萬金

隱五年舜所以節八音而行八風又昭二十年八風注易緯通卦驗云東北曰條風東曰明庶風東南曰清明

風南曰景風西南曰涼風西曰閭闔風西北曰不周風北曰廣莫風條風一名融風明庶風一名谷風景風一

名凱風呂氏春秋八風東北吹東南熏南巨西南涼西颼西北厲北塞漢魏鮮正月旦日央八風從南

大旱西南小早西有兵西北戎菽為小雨趣兵北為中歲東北為上歲東大水東南民有疾疫歲惡



三匈奴諸部分道入寇殺守尉略吏民州郡兵起

考異

要提

書曰分道入塞按征伐例中國無主但云

入塞據四年書貉人入邊當從提要為是

莽遣將將兵多齎珍寶至雲中塞下招誘呼韓邪單于

于助為順單于皆厚加賞賜咸走出塞傳送助登長安

後助病死以登代之單于聞之怒曰先單于受漢宣帝

恩不可負也今天子非宣帝子孫何以得立遣兵入雲

中塞攻殺吏民歷告左右部諸邊王入塞殺太守都尉

略吏民畜產不可勝數是時諸將所在邊以大衆未集未

敢出擊嚴尤諫曰臣聞匈奴為害所從來久矣未聞上

世必有征之者也後世三家周秦漢征之然皆未有得

上策者也周得中策漢得下策秦無策馬周宣王時獫狁

內侵至于涇陽命將征之盡境而還其視戎狄之侵

譬猶蠱蟲毆之而已故天下稱明是為中策漢武帝選

將練兵約齎輕糧深入遠戍雖有克獲之功胡輒報之

兵連禍結三十餘年中國罷耗匈奴亦創艾而天下稱

武是為下策秦始皇不忍小耻而輕民力築長城之固

延袤萬里轉輸之行起於負海疆境既完中國內竭以

喪社稷是為無策今天下比年饑饉西北邊尤甚發三

十萬衆具三百日糧東接海岱南取江淮然後乃備計

其道里一年尚未集合兵先至者聚居暴露師老械弊

勢不可用此一難也邊既空虛不能奉軍糧內調郡國

不相及屬此二難也計一人三百日食用糒十斛非

牛力不能勝牛又當自齎食加二十斛重矣胡地沙鹵

多乏水草以往事揆之軍出未滿百日牛必物故且盡

餘糧尚多人不能負此三難也胡地秋冬甚寒春夏甚

風多齎釜是故前世伐胡不過百日非不欲久勢師有

疾疫之憂是故前世伐胡不過百日非不欲久勢師有

能此四難也輜重身隨則輕銳者少不得疾行虜徐道

逃勢不能及幸而逢虜又累輜重如用民力功不可必

虜要遮前後危殆不測此五難也至者令臣充等深入

立臣伏憂之今既發兵宜縱先至者令臣充等深入

擊且以創艾胡虜莽不聽轉兵穀如故流亡為盜賊并

在放縱而內郡愁於徵發民棄城郭始流亡為盜賊并

州平州尤甚莽遣中郎繡衣執法分督之皆乘便為姦

燒亂州郡北邊自宣帝以來數世不見煙火之警人為

熾盛牛馬滿野及莽擾亂匈奴與之構難邊民

死亡繫獲數年之間北邊虛空野有暴骨矣

集覽

右



汗匈奴王之號也名咸汗音寒檢狁前書匈奴傳唐虞以上有山戎獫狁葷粥居于北邊索隱曰唐虞以上曰山戎亦曰薰粥夏曰淳維殷曰鬼方周曰玁狁秦漢曰匈奴釜錢錢大口釜也音富街尾相隨馬街隨馬尾而行也雷擊之注駢然卒至貌言如雷震震擊不可測也然而雷擊之注駢然卒至貌言如雷震震擊不可測也

**中郎繡衣**前百官表中郎秩比六百石侍御史有繡衣直指出討奸猾

**平州**注見秦王政三年右北平

**書法**守夷狄之害輕書入塞重書入寇恒辭也於是殺也曷為以兵起書莽故盜也然則曷為不書起兵眾

辭也與起義者微異矣匈奴貉人不書寇盜不書盜網目之討賊嚴矣哉

**發明**匈奴盜起也而曰兵起誠以篡逆之賊人皆得而

誅之故變文起義書法若此其汲汲討賊之意為何如哉故曰綱目修而亂臣賊子懼

### 莽太師王舜死

舜自莽篡後病悖寢劇死

### 莽迎龔勝為太子師友祭酒勝不食而卒

莽遣使者奉璽書印綬安車駟馬迎龔勝即拜為太子師友祭酒使者與郡縣長吏三老官屬行義諸生千人

以上入里致詔使者欲令勝起迎久立門外勝稱病篤為牀室中戶西南牖下東首加朝服拖紳使者付璽書

奉印綬內安車駟馬進謂勝曰聖朝制作未定待君為政以安海內勝對曰素愚加以年老被病命在朝夕隨

使君上道必死道路無益萬分使者要說至以印綬就加勝身勝輒推不受使者即上言方盛夏暑熱勝病少

氣可須秋涼乃發莽許之使者為勝兩子及門人高暉等言朝廷虛心待君以茅土之封雖疾病宜動移至傳

舍示有行意必為子孫遺大業暉等白之勝曰吾受漢家厚恩無以報今年老矣且暮入地誼豈以一身事二

姓下見故主哉因敕以棺斂喪事語畢遂不復飲食積十四日死死時七十九矣是時清名之士又有琅邪紀



遼齊薛方沛唐林唐尊皆以明經飭行顯名遂兩唐皆

仕莽封侯貴重莽以安車迎方方因使者辭謝曰堯舜

在上下有巢由今明主方隆唐虞之德小臣欲守箕山

之節莽說其言不彊致喻棄郭欽為南郡太守杜陵蔣

詡為兗州刺史亦以廉直為名莽居攝欽詡皆以病免

官歸鄉里臥不出戶卒於家沛國陳咸以律令為尚書

見何武鮑宣死歎曰易說見幾而作不俟終日吾可以

逝矣即乞骸骨去職莽篡位召咸為掌寇大夫咸謝病

不肯入猶用漢家祖臘人問其故咸曰我先人豈知王

氏臘乎悉收欽其家律令書文壁藏之又齊栗融北海

禽慶蘇章山陽曹竟皆儒生去官不仕於莽班固曰王

貢之材優於龔鮑守死善道勝實蹈馬貞而不

諒薛方近之郭欽蔣詡好遊不汙絕紀唐矣

下東首加朝服拖紳記喪大記寢東首於北牖下汪氏

曰病者常居北牖北鄉陰也人君所視南面南鄉陽也

故有疾而君視之則遷向南牖下也詳見論語解要說

要一遙反勸也說式芮反誘之也下有巢由皇甫謐曰

高士傳許由字武仲聞堯致天下而讓焉乃遁於潁水

之陽箕山之下堯又召為九州長由不欲聞之洗耳於

潁濱時有巢父牽犢欲飲之見由洗耳而問其故由對

曰堯欲召我我惡其聲是故洗耳巢父曰子若處高岸

深谷誰能見子子故浮游欲聞求其名譽滂吾犢口遂

牽犢上流飲之箕山之節莊子堯讓天下於許由由遂

遁於箕山之下正義曰箕山在洛州陽城南二十里又

皆

蔣

山

免

以

尚

書

病

以

謝

病

可

以

吾

可

以

尚

書

免

以

病

謝

病

通鑑紀事本末

卷之八

二十八



飲之即此上有許由墓隃麋漢之縣名屬右扶風晉省隃麋後周置沂陽郡及縣以在沂水之陽故名尋廢郡以縣屬隴州唐宋金元皆仍舊本朝因之屬鳳翔府

**書法**

莽臣皆書死賊莽也終莽之篇惟龔勝書卒所以殊之於莽臣也綱目書不食而卒三是年龔

勝桓帝延熹元年陳龜  
晉穆帝永和六年辛謚

**發明**

王舜雖殞於病悻然不免書莽太師書死者篡漢之謀舜實預之且又居其位也龔勝雖為莽

所迎然特筆書不食卒者不仕篡逆能全大節歸索其身也一予一奪而褒貶之情見矣命義之戒嚴矣士君子出處之致昭矣

瀕河郡蝗生

**質實**

瀕河郡漢初所置治平陰縣以瀕河山得名東漢省之故址在開封府鄭州城

西北五〇河決

河決魏郡泛清河以東數郡先是莽恐河決為元城冢墓害及決東去元城不憂水故遂不隄塞

**質實**

魏郡注見成帝綏和二年清河郡名注見元帝末光武年元城漢之縣名屬魏郡曹魏因之後魏析置貴鄉縣

北齊省入貴鄉隋復置治古啟城唐貞觀中又省入貢鄉大曆初復置五代唐改興唐縣晉復為元城縣宋金

因之元初省入大名縣尋復置本朝因之改為大名府治所仍隸焉

四年春莽殺匈奴順單于登

莽邊將言虜寇皆咸子角所為故莽斬登

**集覽**

咸子角咸古犂汗王之名也其子名角

定東西都及諸侯員數

莽下書以洛陽為東都常安為西都諸侯員千八百附城數亦如之以侯有功諸公一同有衆萬戶其餘以是

為差以圖簿未定未受國邑且令受奉都內月錢數千諸侯皆困乏至有傭作者

**集覽**

附城孺子嬰時

當賜關內侯爵者更名附城諸公一同諸公謂諸封公者一同皆百里也受奉都內奉與俸同百官表大司農

屬官有都內令丞張安世傳詔都內別藏張氏無名錢注都內主藏官也

**質實**

洛陽縣名注見同顯王五

申壬



年常安縣名注見  
惠帝六年長安縣

### 令民得賣田

養性躁擾不能無為每有所興造動欲慕古不度時宜  
制度又不定吏緣為姦天下警警陷刑者衆養知民愁  
然乃令民食王田者皆得賣之然他政  
詩亂刑罰深刻賦歛重數猶如故焉  
**集覽** 吏緣為姦  
也旁緣 吏治人者  
而為姦

### 西南夷殺牂牁大尹貉人入邊

初五威將帥出西南夷改句町王為侯王邯怨怒養調  
牂牁大尹周歆許殺邯弟承起兵殺歆州郡擊之不  
能服養又發高句驪兵擊匈奴不欲行彊迫之亡出塞  
犯法為寇嚴尤奏宜令州郡且尉安之今匈奴未克夫  
餘歲貉復起此大憂也養不聽詔尤擊之尤誘高句驪  
侯騶至而斬焉於是貉人愈犯邊東北西南皆亂養志  
方盛以為四夷不日  
吞滅專念稽古之事  
**集覽** 句町注見成帝河平十年駒  
町國王邯句町土名邯高句

驪東夷國名居遼東之東句古侯反驪與麗通力之反  
其先出夫餘王嘗得河北女閉於室內為日所照既而  
有娠生一卵置煖處有一男破而出及長字之曰朱蒙  
其俗言朱蒙者善射也雖一矢殪獸甚多夫餘人謀欲  
殺之朱蒙遂走至統骨城居焉號曰高句麗因以高為  
氏括地志云高句麗都平壤城本漢樂浪郡王險城也  
古朝鮮地滅貉東夷國名歲一作歲音烏外烏廢二反  
貉通作貉莫客反趙襄子破并代以臨胡貉索隱曰貉  
即滅也三韓之屬與高麗同種在辰漢之北高麗沃沮  
之南朝鮮之東東窮大海皆以歲為氏正義曰貉北方  
種

### 書法

殺大尹叛也不書叛何養叛者也  
故益州殺大尹止書擊天鳳四年

### 五年春二月太皇太后王氏崩

養既改號太后為新室文母絕之於漢乃隳壞孝元廟  
更為太后起廟獨置孝元廟故殿以為文母纂食堂既  
成名曰長壽宮置酒請太后既至見廟廢塗地驚泣  
曰此漢家宗廟皆有神靈與何治而壞之且使鬼神無

酉癸



知又何用廟為如令有知我乃人之如妾豈宜辱帝之  
堂以陳饋食哉私謂左右曰此人慢神多矣能久得祐  
乎飲酒不樂而罷莽更漢家黑貂至漢家正臘日獨與其左  
伏臘日太后令其官屬黑貂至漢家正臘日獨與其左  
右相對飲食至是崩年八十四葬渭陵與元帝合而

**覽** 聲讀如干預之預與何治者猶言干何事也壞音怪  
毀之也與元帝合而溝絕之溝絕謂於兆域外溝穿之  
欲其絕於漢也左傳定元年昭公之喪至自乾侯季孫

使役如闕公氏將溝馬榮駕為諫之乃葬於墓道南孔  
子之為司寇也溝而合諸墓注闕魯羣公墓所在也公

氏猶言公之墓宅昭公將附葬於闕季平子惡昭公欲  
使役徒溝絕其兆域不使與先君同後雖不為溝猶葬

於先君墓道之外孔子故自昭公墓外為溝使與先君  
墓合明臣無貶君之義

登再登曰平餘六年食三登曰泰餘九年食然後  
王德流合禮樂成焉注進上農功諸事業名登

常依王莽傳及通鑑本文作獻祭其廟耳

**質實** 渭陵注 見成帝

**正誤**

建始元年

**書法**

不書新室文母何不絕之於漢也成新莽之墓  
者太后也其不絕之何其挫墜其令官屬黑貂  
其用漢家正鴈猶有漢氏之心焉然則其不書漢太  
皇太后何不成莽之為新也故以恒辭書之是故不  
成莽之為新則太皇太后不書漢成李氏之為  
唐則故后蕭氏書隋唐太宗貞觀二十二年

**發明**

太后已更號新室文母而此不書者不予其改也  
太后雖為內主成莽之篡然實非本心特其始  
馬惑於莽之欺而已及夫事勢已成固已未如之何  
况太后之心未嘗一日忘漢此綱目所以止書太皇  
太后之號亦以遂其本心不絕  
之於漢云爾夫豈過予之哉

烏孫大小昆彌遣使入貢

莽以烏孫國人多親附小昆彌欲得烏孫心乃遣使者  
引小昆彌使坐大昆彌使上師友祭酒蒲昌劾奏使者  
曰夷狄以中國有禮誼故屈而服從大昆彌君也今序  
臣使於君使之上非所以有夷狄也奉使大不敬莽怒

通鑑綱目卷之八 莽始建國之五年



免昌 **質實** 烏孫國名注見  
官 武帝元狩元年

馬耆殺莽都護但欽

西域諸國以莽積失恩信馬耆先叛殺欽西域遂瓦解 **質實** 馬耆國名注見隋  
炆帝大業元年

十一月彗星出

**書法** 書彗十歲而兵大起矣天道恒象信哉終綱目  
詳周顯王六年

○匈奴烏珠留單于死烏累若鞮單于咸立

匈奴用事大臣須下當常欲與中國 **集覽** 烏累若鞮單于之號也累

和親見咸為莽所拜遂越次立之

力追反鞮丁奚反咸為莽所拜事詳見前年

戊甲

天鳳元年春正月莽遣其大傅平晏之洛陽相宅 **集覽** 莽下詔將以是歲行巡狩禮即于土中居洛陽之都

既而不行先遣晏等相宅圖起宗廟社稷郊兆云

**覽** 即于土中即就也書召誥王來紹上帝自服于土中

蔡氏曰洛陽天地之中四方朝貢道里均焉故曰土

中社稷社所以祭后土稷所以祭穀神正義曰記祭法

云王為群姓立社曰大社王自為立社曰王社然為百

姓祈也祭當主於大社其稷與社共祭亦當為大社社

稷馬左傳昭二十九年共工氏有子曰句龍為后土后

土為社烈山氏之子曰柱為稷自夏以

上祀之周棄亦為稷自商以來祀之

三月晦日食 **集覽**

日食詩註疏日食者月食之也何休云不言月者形不可得而觀故疑言日有

食之杜預曰日行遲月行疾月適及於日而與之會交會

而日月同道則食月或在日道表或在日道裏則不食也

又日食既注見惠帝七年又日有 ○莽策免其大司馬逮

食之詳見穀梁傳隱三年注疏

並 莽自即真尤備大臣有言其過失者輒

按擢孔仁等以敢擊大臣故見信任

夏四月隕霜殺草木



**書法**

武帝之世嘗書四月隕霜殺草矣於是復見而加重焉終綱目書霜四月而書四月者二詳武帝元光四年合是無書四月隕霜者矣

○六月黃霧四塞

**書法**

終綱目書黃霧四塞二皆為王氏也五侯之封也黃霧四塞莽之將敗也亦黃霧四塞霧惡氛也王氏蓋以是始終焉

○秋七月大風雨雹

風拔木飛北闕瓦雹殺牛羊

**書法**

此終綱目書雹二十四而書大風雨雹者書大風雨雹者五始年安帝永初元年二年元初六年靈帝建寧二年元

莽置萬國

莽以周官王制之文置卒正連率大尹州牧分六卿六尉六隊六郊六服總為五國後歲復變更一郡至五易名而還復其故吏民不能紀

每下詔書輒繫其故名云

**集覽**

卒正莽改太守曰卒正連率漢書莽改守

曰連率疑守字誤必是監字率與帥同記王制十國以為連連有帥注連猶聚也帥長也率色類反六隊以南陽為前隊河內為後隊潁川為左隊弘農為右隊河東為兆隊滎陽為祈隊潁師古曰隊音遂

北邊大饑人相食莽與匈奴和親

匈奴求和親莽即遣使賀單于初立給言侍子登在因購求陳良終帶等單于聽命莽燒殺之會緣邊大饑人相食莽乃徵還諸將罷屯兵單于實貪莽賂遺故外不失漢家故事然內利寇掠又使還知子登前死怨恨寇虜從左地入不絕使者問單于輒曰烏桓與匈奴黠民共為寇譬如中國有盜賊耳咸初立持國威信尚淺盡力禁止不敢有二

心莽復發軍屯

**集覽** 給言侍子登在給與詒通欺給

莽斬之矣今給之曰登見存購求陳良終帶

購贖也良與帶先於始建國二年降匈奴

莽斬之矣今給之曰登見存購求陳良終帶



**書法**

於是匈奴求和親其不書求何建武二十二年書求惡莽也故書莽與

益州蠻夷殺其大尹莽發兵擊之

**質實**

益州注見後○莽主建興三年

改錢貨法

莽復申下金銀龜貝之貨頗增減其價值而罷大小錢改作貨布貨泉二品並行每一易錢民用破業而大階

刑于

亥乙

二年春民訛言黃龍死

民訛言黃龍墮死黃山宮中走觀者萬數莽捕擊之

**集覽**

黃山宮在京兆興平縣西三十里地名槐里

**書法**

終綱目書訛言三詳成帝建始三年舍是無書者矣

莽改匈奴單于曰恭奴善子

莽改單于號單于貪莽金幣曲聽之然寇盜如故

五原代郡兵起

**質實**

五原郡名注見明帝永平八年

莽意以為制定則天下自平故說思於地理制禮作樂講合六經之說公卿旦入暮出論議連年不決不暇省

獄訟究結民之急務縣宰缺者數年守兼一切貪殘日甚繡衣執法任郡國者並秉權勢傳相舉奏又公士分

布勸農桑班時令郡縣賦歛遞相賂白黑紛然守闕告訴民逮捕證左郡縣賦歛遞相賂白黑紛然守闕告訴

者多莽自見前嶺權以得漢政故務自覽眾事又好變改制度政令煩多當奉行報者輒質問乃以從事前後相

乘憤既不潔莽常御燈火至明猶不能勝尚書因是為姦寢事上書待報者連年不得去拘繫郡縣者逢赦而

後出衛卒不交代者至三歲穀糴常貴邊兵二十餘萬人仰衣食縣官五代原代郡尤被其毒起為盜賊數千人

為輩轉入旁郡莽遣兵擊歲餘乃定

**集覽**

守兼一切顏師古曰大槩曰一切謂縣中事太守兼主之按諸

章按察行也諸章凡諸憲章也猶今之憲司照刷文卷證左前楊惲傳左驗明白注左子我反言在左右見此

事者又唐太宗召劉洎問狀引馬周為左注左子賀反證也

**正誤**

縣官缺者數年守兼一切貪殘日甚



今按縣宰缺久不除補也官權守兼攝如毛義為安陽尉守安陽今也當於兼字句絕一切屬下句

邯鄲以北大雨水出

**質實**

邯鄲縣名注見周威烈王二十三年

水深者數丈流殺數千人

三子丙年春二月地震

莽大司空王邑以地震乞骸骨莽不許曰天地有動有震震者有害動者不害春秋記地震易繫坤動動靜辟翁萬物生焉其好自誣飾皆此類也

**集覽**

辟翁辟通作闢開也翁收欵也

大雨雪

雪深一丈竹栢或枯

**書法**

三月雨雪四月雨雪記異也此二月栢為枯斯可謂大雪也二月矣而雪深一丈竹栢為枯斯可謂

異矣是以書之

夏莽始賦吏祿

先是始賦吏祿未定上古者歲豐則充其禮災害則有所損上計時通計天下幸無災害者太官膳羞備品即有災害以什率多少而損膳焉公卿以下各分州郡國邑保其災害亦以什率多少而損其祿中都官吏食祿者以太官膳羞備損而為節莽之制度煩碎如此課計不可理吏終不得祿各因官職為姦受取賂賂以自共給焉

**集覽**

上計奉上戶口錢穀之數若今計帳也注

**書法**

始賦祿馬綱日書始賦祿三年矣制度未定於是始賦祿馬綱日書始賦祿三年矣制度未定於是

魏乙卯年東魏書始命邑一壬子年周皆緩辭也

長平岸崩壅涇水莽復發兵擊匈奴

**質實**

長平岸未詳處所或疑即長平

涇水注見漢宣帝甘露二年注見秦王政元年



莽羣臣以岸崩上壽曰河圖所謂以土填水凶  
奴滅亡之祥也莽乃遣將擊匈奴至邊上屯

**書法** 書復何莽背約也既與和親矣

秋七月晦日食。冬莽大發兵擊益州蠻不克越雋蠻亦

殺其太守 **質實** 益州注見後主建興三年越雋郡名注見武帝元鼎六年

莽兵擊蠻者疾疫死十六七賦歛民財什取伍益州虛  
耗而不克莽更遣將大發天水隴西騎士十萬人擊之

始至頗斬首數千其後軍糧前後不相及士卒饑疫復  
大賦歛就都大尹馮英言今調發諸郡兵穀皆民什取

其四空破梁州功終不遂宜罷兵屯田明設購賞莽怒  
免英官越雋蠻夷任貴遂殺太守枚根自立為叩穀王

**集覽** 兵穀皆民謂兵器穀粟皆財民丁 **正誤** 調發諸郡兵穀皆民什取  
其四今按當於穀字句絕

些言民屬下句漢書皆言上有復字顏  
師古曰註發民皆財什取其四也

莽遣五威將王駿出西域馬老龍襲殺之

莽遣駿與都護李崇出西域諸國郊迎送兵穀馬者  
詐降而聚兵自備駿等至伏兵襲殺之西域遂絕

四年夏六月莽更授諸侯茅土於明堂

莽好空言慕古法多封爵人性實吝嗇託以地  
理未定故且先賦菁茅四色之土用慰善封者 **集覽** 賦菁

茅四色之土漢書注頽師古曰賦班也儒者以為菁柔  
名也茅三春茅也莽此言以為一物則是謂菁茅為善

茅也古者天子大社以五色土為壇廣五丈凡封諸侯  
受天子大社之土各割其所封之方色土與之東方青

南方赤西方白北方黑授之使立社於其國肅以黃土  
直以白茅黃取王者復肅四方茅取其紫錫之以茅然

後得祭使之縮酒案禹貢包匭菁茅孔氏曰菁以為菹  
茅以縮酒鄭氏曰茅有毛刺曰菁茅所以供祭祀縮酒

之用蔡氏曰管子云江淮之間一茅而三春名曰菁茅  
菁茅一物也孔氏謂菁以為菹非是今辰州麻陽縣苞

茅山在辰州盧溪縣西南三百五十里  
茅山在辰州苞茅有刺而三春枯地志云苞

秋鑄威斗

通鑑綱目卷之八

莽傳

三十五



以五石銅為之若北斗欲以厭勝

**集覽**

五石銅李奇曰以五色藥石及

銅為之長二尺五寸顏

**書法**

秦鑄金人不書此其書何識愚也故書終綱目書鑄六

是年靈帝中平三年鑄銅人後主建興十五年魏鑄  
銅人唐中宗嗣聖三年鑄大儀十一年鑄天樞十四  
年鑄九馬皆譏也魏  
大像書作不與馬

**臨淮琅邪及荊州綠林兵起**

莽置義和命士以督五均六筦皆用富賈為之乘傳求  
利交錯天下因與郡縣通姦百姓愈病莽復下詔申明  
六筦為設科禁犯者罪至死民搖手觸禁不得耕桑繅  
役煩劇而旱蝗相仍獄訟不決吏旁緣莽禁侵刻小民  
富者不自保貧者無以自存於是並起為盜賊依阻山  
澤吏不能禽而覆敵之浸淫日廣臨淮瓜田儀等依阻  
會稽長州琅邪呂母聚黨數千人殺海曲宰入海中為  
盜其眾浸多至萬數荊州饑饉民入野澤掘鳧茨而

食之更相侵奪新市人王匡王鳳為平理諍訟遂推為  
渠帥眾數百人諸亡命者馬武王常成丹等皆往從之

藏於綠林山中數月間至七八千人又南郡江夏眾皆  
萬人莽遣使者赦之還言盜解復合問其故皆曰愁法

禁煩苛不可舉手力作所得不足以給貢稅閉門自守  
又坐鄰伍鑄錢挾銅姦吏因以愁民民窮悉起為盜賊

莽大怒免之或言民驕黠當誅及言  
時運適然且城不火莽說輒遷官

**集覽**

六筦筦與管同漢書字作

幹亦通用謂主領也莽設六筦之令命縣官酤酒賣鹽  
鐵器鑄錢諸采取名山大澤眾物者稅之吏旁緣莽禁

吏依旁因綠莽之禁制而為侵刻臨淮郡名徐州之域  
南臨淮水今泗州是瓜地名今瓜州渡是在江都縣南

四十里江之濱本揚子江中之沙磧也與京口西津渡  
對境長州本洲秦置會稽郡長洲縣隸焉今平江

府長洲縣琅邪呂母琅邪郡徐州之域後漢為琅邪國  
唐改沂州今屬益都呂母姓名琅邪人鳧茨鳧音符茨

本作菀音才支反爾雅芎鳧也注鳧范生  
下田苗似龍須而細根如指頭黑色可食

**正誤**

臨淮瓜田

儀等今按瓜非地名  
質實  
一統志云臨淮漢之郡名治  
野貽縣晉改為野貽郡南齊



於此置北兖州陳屬北譙州唐屬楚州宋置盱眙軍後  
仍為縣紹定中改招信軍元陞招信路尋改臨淮府後  
仍為盱眙縣屬泗州國朝因之屬鳳陽府會稽郡名  
注見景帝三年越國長洲本共之苑名漢為吳縣地自  
晉至隋皆因之唐萬歲通天初析置長洲縣乾元間置  
長洲軍大曆間復為縣宋元仍舊國朝因之屬蘇州  
府琅邪郡名注見高后七年海曲漢之縣名屬琅邪郡  
舊設監官名日照鎮魏晉以來俱屬晉縣金始置日照  
縣屬晉州元仍舊國朝因之屬青州府荊州注見獻  
帝建安十二年野澤未詳處所新市地名注見地皇三  
年馬武南陽湖陽人王常潁川舞陽人綠林山注見地  
皇二年南郡注見獻帝建安十二年江夏郡名注見獻  
帝建安十三年

戊寅

五年春北軍南門災○莽以費興為荊州牧未行免

莽以興為荊州牧見問到部方略興對曰荆楊之民率  
依阻山澤以漁采為業間者國張六筭稅山澤妨奪民  
之利連年久旱百姓饑窮故為盜賊興到部欲令明曉  
告盜賊歸田里假貸犂牛種食闢其租賦冀可以解釋

安集莽怒  
免興官

書法

自己已改諸官名至是始書牧終莽之身書牧  
者再費興田况皆賢而不果用者也為三州民

惜之  
故書

莽考吏致富者收其財以給軍考異

按統系例注曰募賊  
事亦連書但每歲首

及有異事一加其名此上文已書莽  
以費興為荊州牧此句上莽字疑羨

吏以不得俸祿並為姦利郡尹縣宰家累千金莽乃考  
諸軍吏及緣邊吏為姦利增產致富者收其家所有財  
產五分之四以助邊急開吏告其將  
奴婢告其主冀以禁姦而姦愈甚

莽孫宗自殺

宗自畫容貌被服天  
子衣冠發覺自殺

莽大夫楊雄死



成帝之世雄以奏賦為郎給事黃門與莽及劉秀並列  
哀帝之初又與董賢同官莽賢為三公權傾人主所薦  
莫不拔擢而雄三世不徙官及莽篡位雄以耆老久次  
轉為大夫恬於勢利好古樂道欲以文章成名於後世  
乃作太玄法言用心於內不求於外人皆忽之唯劉秀  
及范滂敬焉而桓譚以為絕倫每鹿侯芭師事焉劉棻  
嘗從雄學作奇字及棻生事誅辭連及雄時雄校書天  
祿閣上使者來欲收之雄恐不能自免乃從閣上自投  
下幾死莽聞之以雄不知情詔勿問然雄所作法言卒  
章盛稱莽功德可比伊尹周公後又作劇秦美新之文  
以頌莽君 **集覽** 三世歷仕哀平孺子嬰耆老久次賀楊  
子病焉 **集覽** 云耆至也言至老境也久次謂久在位  
次未得改除太玄法言楊雄以為經莫大於易故作太  
玄傳莫大於論語故作法言侯芭 鉅鹿人芭音葩劇秦  
美新劇奇逆反戲 **正誤** 楊雄三世不徙官今按雄自成  
劇也美稱美也 **帝時奏賦為郎給事黃門三世**  
正謂成帝哀帝平帝也及王莽篡位乃以耆老久次轉  
為大夫不數孺子嬰也劇秦美新之文今按文選載楊  
子雲劇秦美新文篇內歷叙上古三代而曰獨秦屈起  
西戎云云二世而亡何其劇歟注云劇甚也題曰劇秦

美新蓋以秦皇無道為甚而美新莽之德也 **撫實** 桓譚沛國相人鉅鹿郡

**書法** 莽臣皆書死賊之也莽大夫多矣特書楊雄所  
以深病雄也終綱目卒書死者莽臣之外前范

增後胡僧不空而已

**發明** 所貴乎士君子者以其審於出處之際明於去  
就之義者也武王行大義平殘賊舉天下莫或

非之伯夷叔齊乃獨奮然耻其所為不食周粟而死  
若二子者豈好死而惡生哉誠以君臣天地之大義

亘古今而不可泯故寧死而不屈爾自世道埋微士  
君子不明於大節故有忍耻蒙垢仕非其地者其間

亦或身處下僚自以為託迹富隱祿以代耕借是以  
文其說抑不知辭尊居卑辭富居貧在昏庸之世猶

或在哀平間固嘗出仕於朝與董賢王莽輩比肩並  
列當其權勢熏灼雄不苟於附媚安於恬退誠足佳

尚者泊莽篡國之後雄不苛於前朝舊人不於此時亟引  
而退與龔勝薛方郭欽蔣詡諸賢並驅爭先乃復貪

戀爵祿隱忍不去雖位非通顯然亦既立其朝而臣



事之矣莽以斗筭穿窬之才身負弒逆文姦飾偽盜竊漢祚士君子稍有人心者必羞見其面目安有拜伏於前為之臣子受其爵食其祿而不知愧耻者哉雄以一身事二姓大節已虧况於稱莽功德與夫劇秦美新等作又君子之所病者固宜直筆深貶之也或者顧謂雄家素貧苟不仕莽朝何以自給豈知士君子當安於命義不當以苟活為心誠使道迹立園饑餓而歿既能不辱其身所獲多矣昔程頤子有言死則雄之失身於莽盡東海之波不足以湔其耻矣士君子之立身至此豈不深可歎哉豈不深可惜哉

### 琅邪樊崇東海刀子都等兵皆起

琅邪樊崇起兵於莒眾百餘人羣盜以崇猛勇皆附之一歲間至萬餘人逢安徐宣謝祿揚音各起兵合數萬人從崇轉掠青徐間又有東海刀子都亦起兵鈔擊徐兗莽遣使者發兵擊之不能克

**集覽**

刀子都

**撫實**

莒縣名注見獻帝建安二年東海郡名注見秦二世二年

### 烏累單于死弟呼都而尸道臯若鞮單于與立

**考異**

此句上漏

烏累單于死弟呼都而尸道臯若鞮單于與立

年六 二句 字奴

莽遣王歙誘當將至長安立為須卜單于大司馬嚴尤曰當在右部單于動靜輒語中國此方面大助也今起置長安藁街一胡人耳莽不聽而匈奴寇邊益甚莽乃大募天下丁男及死罪囚吏民奴一切稅天下吏民訾三十取一欲以擊匈奴輔立當令公卿以下至郡縣黃綬皆保養軍馬以秩為差又博募有奇技術可以攻匈奴者或言能度水不用舟楫連馬接騎濟百萬師或言不持斗糧服食藥物三軍不饑或言能飛一日千里可窺匈奴莽輒試之知其不可用苟欲獲其名皆拜為理軍賜以車馬待發嚴尤諫曰匈奴可且以為後先憂山東盜賊莽大怒策免尤大司空史范升奏記司空王邑曰朝以遠者不服為至念升以近者不悅為重憂今動與時戾事與道反馳驚覆車之轍踵循敗事之後後出益可怪晚發愈可懼耳方春歲首而動發遠役藜藿不



充田荒不耕穀價騰踊斛至數千更民陷於湯火之中  
非國家之民也如此則胡貊守闕青徐之寇在於帷帳  
矣升有一言可以解天下倒懸免元元之  
**集覽** 輒語去  
急不可書傳願蒙引見極陳所懷色不聽  
之葉街注見元帝建昭四年黃綬百官表大夫博士御  
史謁者郎秩比二百石以上皆銅印黃綬正義曰綬所  
以貫佩玉相承受者也以秩為差隨祿秩之高下卷軍  
多少也差楚宜反參差不齊也禮記其祿以是為差注  
差音初佳反非也大司空史史官屬也范升為大司空  
史蒸藿藿草名即今落帚也或謂落藿初生可食藿豆  
葉也正義曰藿似藿而表赤  
史記糲梁之食藿藿之羹

### 關東饑旱

時饑旱連年刀子都等  
黨眾寔多至六七萬

辰庚

地皇元年春正月莽令犯法者論斬毋須時

莽下書曰方出軍行師敢有趨謹犯法者輒論斬  
毋須時於是春夏斬人都市百姓震懼道路以目

**集覽**

毋須時毋禁止之辭也須待也自古立  
春後不復行刑今莽則不待時之至

秋七月大風毀莽王路堂

**集覽**

王路堂堂以頓著王之五  
路五路注見宋孝武帝大

明三年

**書法**

按堂即未央前殿莽所更名漢殿高三十五丈  
王路堂何莽所自名也甲戌大風雨雹矣而莽

不悟於是復大風而毀其所謂王路堂者焉若曰自  
是王不王矣間二歲而莽誅天道不誣信哉終綱目

書大風十有三詳武帝元光五年毀宮殿者一而已  
書堂始此終綱目書堂五年是年莽王路靈帝中平二

年萬金晉元帝大興元年劉曜蠡斯則百烈帝  
太元五年秦教武唐中宗嗣聖五年武后天堂

### ○九月莽起九廟於長安城南

黃帝廟方四十丈高十七丈餘廟半  
之功費數百餘萬卒徒死者萬數

**書法**

宗廟書立臺觀書起恒辭也廟未有書起者此  
其書起何峻宇也於是高者至十七丈故以臺



觀之辭書之是故宮殿過高則書起詳武帝太初四年宗廟過高則書起宗廟書起終綱目一而已矣

大雨六十餘日○鉅鹿男子馬適求等謀誅莽不克死

適求等謀覺連及郡國豪傑數千人皆為莽所殺

**書法**

劉崇翟義劉快起兵討莽書死之予節也此書謀誅莽矣其不書死之何求謀誅莽正也不克

則死而已謀覺之後連及者數千人則與慷慨就義者異矣故書謀誅一也於段秀實則書死之唐德宗

建中四年於是馬適求則止書死綱目之權衡審矣

**莽更鑄錢法**

莽以私鑄犯法者多不可勝行乃更輕其法鑄者與妻子沒入為官奴婢吏及比伍知而不舉告與同罪由是

犯者愈眾檻車鎖頸傳詣長安

**集覽**

比伍比毗至及周禮地官族師五家

鍾官以十萬數死者什六七

均輸鍾官令辨銅令食貨志注如淳曰鍾官主鑄錢

**以唐尊為太傅**

尊曰國虛民貧谷在奢泰乃身短衣小東乘牝馬柴車藉橐以瓦器飲食又以歷遺公卿出見男女不異路者

尊自下車以象刑赭幡汗染其衣莽聞而悅

不裝飾者即棧車也竹木之車為棧車周禮巾車曰士乘棧車注棧車不革鞆而漆之棧才產反楚世家筆路

藍樓服度曰筆路柴車素大輅也藉橐藉慈夜反身之所依據也橐亦作橐木桿也史劭曰橐蒲蒭也藉橐而

坐以示儉約以象刑赭幡汗染其衣象刑注見平帝元始五年赭音者以丹汗漬巾幡也白虎通曰犯劓者以

赭著其衣注謂以赤土染衣也

**收郅恽繫獄**

憚明天文歷數以為漢必再受命上書說莽曰上天垂戒欲悟陛下今就臣位取之以天還之以天可謂知命



已辛

二年春正月莽妻死太子臨謀殺莽事覺自殺

矣莽大怒繫惲詔獄踰冬會赦得出

**書法**

書莽殺其子宇矣又書莽孫宗自殺矣於是復

逆之應為世戒也宋劭書弒臨書太子矣其書殺何

臨書殺臣不臣故子不子也

**發明**

臨乃莽之子何以不書反莽自弒逆之賊爾然

則可以書謀誅矣權其輕重而書

○秋隕霜殺殺

**書法**

綱目嘗書三月隕霜一書四月隕霜二皆記異

以是為災也故書終綱目書霜四詳武帝元光四年書秋霜一而已合是無書霜者矣史失之也

○關東大饑蝗○莽毀漢高廟

莽惡漢高廟神靈遣虎賁武士入廟按劍四面提擊

**覽**

虎賁漢百官表虎賁武帝時期門也平帝改曰虎賁

郎賈逵曰天子卒曰虎賁賈舊作奔言其勇猛如虎之

三年提殺

南郡秦豐兵起

豐聚眾萬人平原女子遲昭平亦聚數千人在河阻中

莽召問羣臣禽賊方畧皆曰此天囚行尸命在漏刻故

左將軍公孫祿徵來與議祿曰太史令宗宣以凶為吉

亂天文誤朝廷大傳唐尊飾虛偽以媮名位賊夫人之

子國師劉秀顛倒五經毀師法令學士疑惑張邠孫陽

造井田使民棄土業魯匡設六筦以窮工商崔發阿諛

取容令下情不上通宜誅此數子以慰天下又言匈奴

不可攻當與和親恐新室憂不在匈奴而在封域之中



也莽怒使虎賁扶祿出然類  
采其言左遷匡為五原卒正類  
能為猶死尸之僅能行耳  
天四行尸顏師古曰

武建武五年五原郡名  
注見明帝永平八年  
撫實南郡注見獻帝建安十  
二年平原縣名注見光

### 莽以田况為青徐二州牧既而罷之

初四方皆以饑寒窮愁起為盜賊稍稍群聚常思歲熟  
得歸鄉里眾雖萬數不敢畧有城邑轉掠求食日闕而  
已諸長吏牧守皆自亂關中兵而死賊非敢欲殺之也  
而莽終不諭其故是歲荊州牧討綠林賊王匡等迎擊  
大破牧軍鉤牧車屏泥刺殺其驂乘然終不敢殺牧賊  
遂攻棧竟陵安陸多畧婦女還入綠林中至有五萬餘  
口又大司馬士按章豫州為賊所獲賊送付縣士還上  
書具言狀莽大怒因下書責七公曰夫吏者理也宣德  
明恩以牧養民仁之道也抑彊督姦捕誅盜賊義之節  
也今則不然盜發不輒得至成群黨遮畧來傳宰士節  
得脫者又妄自言我責數賊何故為是賊曰以貧窮故  
耳賊護出我今俗人議者率多若此惟貧困饑寒犯法

為非群盜偷宄不過二科今乃結謀連黨以千百數是  
逆亂之大者豈飢寒之謂邪七公其嚴敕卿大夫卒正  
連率庶尹謹牧養善民急捕殄盜賊有不同心并力疾  
惡黠賊而妄曰飢寒所為輒捕繫請其罪於是群下愈  
恐莫敢言賊情者州郡又不得擅發兵賊由是遂不制  
唯翼平連率田况素果敢發民年十八以上四萬餘人  
授與庫兵與刻石為約樊崇等聞之不敢入界况自劾  
奏莽讓况弄兵以况自詭必禽滅賊故且勿治後况自  
請出界擊賊所嚮皆破莽以璽書令况領青徐二州牧  
事况上言盜賊始發其原甚微部吏伍人所能禽也咎  
在長吏不為意縣欺其郡郡欺朝廷實百言十實千言  
百朝廷忽畧不輒督責遂至延蔓連州乃遣將帥多發  
使傳相監趣郡縣力事上官應責詰對共酒食具資用  
以救斷斬不暇復憂盜賊治官事將帥又不能躬帥吏  
士戰則為賊所破吏氣浸傷徒費百姓前幸蒙赦令賊  
欲解散或反遮擊轉相驚駭恐見詐滅饑饉易動旬日  
之間更十萬餘人此盜賊所以多之故也今宜急選牧  
尹以下明其賞罰收合離鄉小國無城郭者徙其老弱  
置大城中積藏穀食并力固守賊來攻城則不能下所  
過無食勢不得群聚如此招之必降擊之則滅今空復



多出將帥郡縣委任甚於賊宜盡徵還乘傳諸使者  
以休息郡縣委任甚於賊宜盡徵還乘傳諸使者  
况遣使者賜况璽書因令代監其

**集覽**

日闕而已

兵遣况西詣長安况去齊地遂敗  
食隨日而盡鈎牧車屏泥古兵有鈎有鑲引來曰鈎推  
去曰鑲晏嬰曰曲兵將鈎之是也牧車州牧所乘車也

屏必政反棄也謂鈎取其車而棄諸泥塗中竟陵孫宗  
鑑東臯雜錄曰自蔡州南至信陽始有山路直至安防

又丙驛至復州並無丘陵之阻曰竟陵者陵至此而竟  
也括地志云故城在郢州長壽縣南百五十里今復州

亦是其地安陸江夏邑屬荆州南朝宋置安陸郡後宋  
陸德安府綠林元和志綠林山在荆門軍當陽縣東南

百二十里輿地廣記曰即當陽長阪也曹操追劉備而  
張飛拒之即此大司馬士按章豫州大司馬之屬官而

位為士也行豫州按察憲章遮畧遮道而抄畧宰士宰  
相之屬官而位為士也周榮傳宰士注榮辟司徒袁安

府故稱宰士七公謂四輔三公也四輔注見漢平帝元  
始元年三公注見漢哀帝元壽元年又注見光武建武

十三年責數賊計數賊罪而一責之二科猶言二件  
謂餓與寒也翼平郡名在齊地自詭自責認賊延蔓

連州延去聲言賊之滋長猶草之延蔓遂至連  
接數州力事上官謂郡縣中出力服事之長官

車屏泥今按屏泥車上器屏蔽泥者謂鈎取州牧所乘  
車上之屏泥也黃霸傳別駕主簿車緹油屏泥於軾前

按章豫州今按漢書顏師古注有上章相告者就而按  
治之二科今按王莽傳大者群盜小者偷宄不過二科

非謂饑與寒也郡縣力事上官今按此  
謂郡縣盡力奉事上官應塞詰對也

十二年一統志云竟陵漢之縣名屬江夏郡晉因之西  
魏改曰霄城後周復曰竟陵隋初於此置復州後徙治

沔陽唐初復移復州治竟陵五代晉改曰景陵縣宋隸  
安州又仍隸復州端平中縣隨州徙沔陽鎮元仍還舊

治國朝因之改屬沔陽州安陸漢之縣名屬江夏郡  
晉江夏郡治此劉宋以後為安陸郡治隋以吉陽縣省

入唐安州宋元德安府皆治於此平國朝初省入德安  
州後陸州為府而安陸復為縣仍屬德安府綠林山名

在荆州府當陽縣東南一百一  
十里即王莽末年綠林兵起處  
**書法** 所以終敗也既而罷之其辭二有不幸之辭有



惜之之辭終綱目書既而罷之七莽以田况為青徐  
二州牧是年隋詔劉孝孫定曆開皇十四年唐設科  
舉壬子年皆惜之也明帝大起北宮永平三年晉明  
帝詔琅邪共王為皇考大興二年唐聘鄭氏為充華  
貞觀八年唐主敕齊王景遂參決庶政甲辰年皆幸  
之也書未行而罷五詳漢丁酉年書尋罷之四詳唐  
景龍四年書未果行  
十一詳漢綏和二年

**書**

終綱目書人相食十詳漢初丙申年而莽  
世凡再書民之不幸甚矣甲戌年是年

○夏四月樊崇兵自號赤眉莽遣其太師王匡將軍廉丹

擊之

初樊崇等眾既寢盛乃相與為約殺人者死傷人者償  
創莽遣太師王匡更始將軍廉丹討之崇等恐其眾與  
莽兵亂乃皆朱眉以相識別由是號曰赤眉匡丹合將  
銳士十餘萬人所過放縱東方為之語曰寧逢赤眉不

逢太師太師可更始

**集覽**

償創創初莊反傷也識別  
識與誌同記也別異也

綠林兵分為下江新市兵莽遣其將軍嚴尤陳茂擊之

綠林賊遇疾疫死者且半乃各分散王常等西入南郡  
號下江兵王匡等北入南陽號新市兵皆自稱將軍莽

遣嚴尤陳茂擊之

**集覽**

新市晉太康地記江夏  
郡新市縣屬古荊州

**實**

一統志云  
新市地名

在德安府孝感縣後漢書三  
常起新市平林之兵即此地

蝗飛蔽天

**書法**

書蝗多矣未有書蔽天者飛至蔽天害稼可知  
矣終綱目書大蝗十六蝗三十七詳景帝後元

六年莫遠松至熒煌武帝大  
初元年莫盛於飛蔽天者也

○流民入關者數十萬人

莽聞城中饑饉以問中黃門王業業曰皆流民也乃市  
所賣梁飯肉羹持入示莽曰居民食咸如此莽信之



秋七月荊州平林兵起

新市王匡等進攻隨平林人陳牧廖集覽平林地名在

州占荆故城在德安府隨州城東北八十里漢王莽

未關東平林人陳牧廖湛起兵號平林兵城

赤眉破廉丹誅之

莽以詔書讓廉丹丹惶恐夜召其掾馮衍以書示之衍

因說丹曰張良以五世相韓椎秦始皇博浪之中將軍

漢德甚於詩人思召公也興英俊不附今海內潰亂人懷

將軍計莫若屯據大郡鎮撫吏士砥厲其節納雄傑之

士詢忠智之謀興社稷之利除萬人之害則福祿流於

無窮功烈著於不滅何與軍覆於中原身膏於草野功

敗名喪耻及先祖哉丹不聽衍秦世魯孫也赤眉別校

董憲等衆數萬人在梁郡匡丹引兵進戰撫實梁郡注

兵敗匡走丹曰小兒可走吾不可遂戰死撫實見景帝

三年梁國詩人思召公注

見唐文宗開成元年甘棠

**書法**赤眉破廉丹何不以莽主兵也自書州郡兵起

丹母戰丹不聽及敗王匡走丹曰小兒可走吾不可

遂戰死綱目不書死之書誅之勇於從逆者可以懲

矣之

**發明**赤眉賊也廉丹將也觀丹盡心所事力戰而死

丹所以誅莽也賊莽篡逆凡事莽之徒皆賊爾雖盜

附之

漢宗室劉縯及弟秀起兵春陵興復帝室新市平林兵皆

附之



初長沙定王發生春陵節侯買生戴侯熊渠熊渠生  
孝侯仁仁以南方卑濕徙封南陽之白水鄉與宗族往  
家馬仁卒子敞嗣值莽篡位國除節侯少子外為鬱林  
太守外生鉅鹿都尉回回生南頓令欽欽娶湖陽樊重  
女生三男續仲秀續性剛毅慷慨有大節常憤憤懷復  
社長之慮不事家人居業傾身破產交結天下雄俊秀  
隆準日角嘗受尚書長安畧通大義性勤稼穡常非  
笑之比於高祖兄仲秀嘗過穰人蔡少公少公頗李圖  
識言劉秀當為天子或曰是國師公劉秀乎秀戲曰何  
由知非僕邪坐者皆大笑宛人李守好星歷識記嘗謂  
其子通曰劉氏當興李氏為輔及新市平林兵起南陽  
騷動通從弟軼謂通曰今四方擾亂漢當復興與南陽宗  
室獨劉伯升兄弟况愛容眾可與謀大事通笑曰吾意  
也會秀賣穀於宛通遣軼往迎秀與相約結定謀欲以  
立秋材官都試騎士日劫前隊大夫甄阜及屬正梁丘  
賜以號令大衆使軼與秀歸春陵舉兵以相應於是續  
召諸豪傑計議曰王莽暴虐百姓分崩今枯旱連年兵  
革並起此亦天亡之時復高祖之業定萬世之秋也眾  
皆然之於是分遣親客於諸縣起兵續自發春陵子弟  
子弟恐懼皆亡匿曰伯升殺我及見秀絳衣大冠皆驚

曰謹厚者亦復為之乃稍自安凡得子弟七八千人部  
署賓客自稱柱天都部秀時年二十八李通未發事覺  
亡走父守及家屬坐死者六十四人續使族人招說新  
市平林兵與其帥王鳳陳牧西擊長聚進屠唐子卸又  
殺湖陽尉進拔棘陽李集覽春陵章懷曰春陵鄉名本  
軼鄧晨皆將賓客來會集覽春陵章懷曰春陵鄉名本  
徙南陽蔡陽縣白水鄉仍號春陵案今道州古春陵郡  
隆準日角應劭曰隆高也準謂鼻頭也日角謂庭中骨  
起狀如日續常非笑之續好俠養士每見其弟事田業  
輒非而笑之比於高祖兄仲高祖兄之名也高祖曰  
始大人常以臣亡賴不能治產業不如仲力今某之業  
孰與仲多穰注見周赧王十四年宛注見同上十七年  
軼弋質反伯升劉續字立秋材官都試騎士日材官多  
力之士也都試謂總閱試習武備也以立秋日為期貢  
父曰案漢謂講武為都試有誤以都字為尉字者前隊  
隊音遂天鳳元年莽分六隊以南陽為前隊梁丘賜梁  
丘復姓賜名也大冠武冠也俗謂之大冠環纓無紕以  
青絲為緄加雙鷄尾豎左右謂之鷄冠鷄音黍勇雉也  
其闔對一死而止董巴輿服志大冠者謂武官冠之貢  
父曰案當云大冠者謂武冠武官冠之少武冠二字棘



陽本漢蔡陽縣地屬南陽郡  
隋改棗陽縣宋陞為棗陽軍

春陵鄉名在襄陽府棗陽縣南三十里漢記云元朔五年以零陵郡冷道縣春陵鄉封長沙王子買為春陵侯

至戴侯望氣者蘇伯阿見春陵城嘆曰氣佳哉鬱鬱葱蔥

葱及光武即位改曰章陵南陽郡名注見秦二世三年白水鄉在襄陽府棗陽縣南三十里其東南二里有漢

光武故宅在馬鬱林郡名注見武帝元鼎六年鉅鹿郡名注見楚義帝元年襄國南頓縣名注見光武建武十

九年湖陽漢之縣名屬南陽郡晉省入棘陽魏復置西魏於此置湖州後州廢唐以縣屬唐州元廢之故址在

南陽府唐縣南漢光武封姊為湖陽公主即此唐子卿即唐子山也在南陽府唐縣南一百里漢高鳳嘗隱於

此棘陽漢之縣名屬南陽郡即古謝國地以居棘水之陽得名後周省入新野縣故城在南陽府鄧州境內元

志云棘陽有鎮介於新野湖陽二縣之間是也集覽以為棗陽釋之可謂誤矣鄧晨南陽新野人

**書法**

續書漢宗室則與崇快又異矣是故書起兵多矣未有書興復帝室者書興復帝室特筆也終

綱目惟劉續兄弟書起兵興復唯琅邪王冲書舉兵匡復唐中宗嗣聖五年唯淮南西川書移檄興復唐

昭宣帝天祐四年

**發明**

前此臨淮綠林樊崇秦豐等皆書兵起以見討賊之意然猶不盡予之者崇等依阻山林聚眾

為盜非能仗義誅討故也至是伯升兄弟唱義其名始正是以綱目大書漢宗室起兵興復帝室然後人

神之憤可伸賊莽不足平矣

下江兵與莽荊州牧戰大破之

嚴尤陳茂破下江兵成丹等收散卒復振與荊州牧戰於上唐大破之

**集覽**

上唐地名在江陵境內

冬十一月有星孛于張漢兵與莽守將甄阜梁丘賜戰

不利遂與下江合兵襲其輜重

劉縯欲進攻宛至小長安聚與甄阜梁丘賜戰敗縯復收兵保棘陽阜賜乘勝留輜重於藍鄉引精兵十萬南



臨泚水新市平林見漢兵數敗各欲解去會下江兵五千餘人至宜秋續與秀俱造其壁曰願見下江一賢將議大事眾推王常續見常說以合從之利常大悟曰王莽殘虐百姓思漢今劉氏復興即真主也續遂與常深相結而去常還具為餘將言之皆曰大丈夫既起當各自為主何故受人制乎常乃徐曉說之曰王莽苛酷積失百姓之心民之謳吟思漢非一日也故使吾屬因此得起夫民所怨者天所去也民所思者天所與也舉大事當下順民心上下合天意功乃可成若負疆恃勇觸情恣欲雖得天下必復失之以秦項之勢尚至夷覆况今布衣相聚草澤以此行之滅亡之道也今南陽諸劉舉宗起兵觀其來議者皆有深計大慮王公之才與之并合必成大功此天所以祐吾屬也諸將素敬常乃皆謝曰無王將軍吾屬幾陷於不義即引軍與漢軍及新市盟約休卒三日分為六部十二月晦潛師夜起襲取蓋其輜重

**集覽**

泚水索隱曰南陽郡泚陽縣泚水出焉泚也從將容反瓚曰以利合曰從過秦論合從締交徐曉說之徐紆緩也曉開喻也說音輸芮反曲為辭語以誘

之也夷覆夷滅覆敗也

**正誤**

宜秋今按李賢曰宜秋聚名在池陽縣續漢志南陽平氏縣有宜秋聚

**質實**

仁一統志云泚水源出南陽府唐縣大胡山一名馬

**書法**

特筆也其特筆何此阜賜所以速誅也綱目之法征戰之際苟有關於成敗之故者必特筆書

之故漢王燒楚積聚書詳楚漢丁酉年漢兵襲取莽輜重書是年曹操破紹輜重書獻帝興平五年

**未癸**

漢帝玄更

**考異**

按凡例正統已絕纂賊朱注國名不成君始元年亦依正統已絕之例注云如漢帝玄則此

漢帝玄三字亦當用白字

**春正月**

攻阜賜誅之又破嚴尤陳茂於涪陽

下遂圍宛

**集覽**

涪陽地志南陽郡涪縣顏師古曰縣在涪水北涪水出南陽鄧縣西北山中南入

于質實

一統志云涪陽漢之縣名屬南陽郡東漢廢之故城在南陽府城中涪水之陽縣境有小長安漢光

武嘗與甄阜梁丘賜戰於此

先是青徐賊眾雖數萬人訖無文書號令旌旗部曲及漢兵起皆稱將軍攻城略地移書稱說莽聞之始懼



二月新市平林諸將共立更始將軍劉玄為皇帝大赦改元

春陵戴候魯孫玄在平林兵中號更始將軍時漢兵已十餘萬諸將議以兵多而無所統一欲立劉氏以從人望南陽豪傑及王常等皆欲立劉縯而新市平林將帥樂放縱憚縯威名貪玄懦弱先共定策立之然後召縯示其議縯曰諸將軍幸欲尊立宗室赤眉復有所立王莽起青徐眾數十萬聞南陽立宗室赤眉復有所立王莽起滅而宗室相攻是疑天下而自損權非所以破莽也不如且稱王以號令亦足以斬諸將若赤眉所立者賢相率而往從之若無所立破莽降赤眉然後奉尊號亦未晚也諸將多曰善張印拔劍擊地曰疑事無功今日之議不得有二眾皆從之二月朔設壇場於清水上玄即皇帝位南面立朝群臣羞愧流汗奉手不能言大赦改元拜置公卿以縯為大司徒秀為太常備將軍由是豪傑失望

**書法**

玄者何節侯買玄孫也不書漢宗室何以玄並縯也書改元矣曷為不以玄紀年大書之不

**集覽**

張印顏師古曰印五剛反史炤通鑑

嶺東南流經南陽新野會梅溪洱灌湍水留山黃渠粟鵝泗潦刀寺河與泌水合流南至襄陽入漢江史云諸將立更始消水上即此

**書法**

玄者何節侯買玄孫也不書漢宗室何以玄並縯也書改元矣曷為不以玄紀年大書之不

成玄之為帝也玄則何以不成之為帝玄之不足以君天下明矣書曰立某為皇帝立者不宜立者也是故終玄之世綱目恒斥名之終綱目書立為帝五齊君地恒山王義劉玄盧芳石敬瑭劉信書立為天子不與馬

三月劉秀徇昆陽定陵即皆下之

**集覽**

昆陽地志潁川郡

陽地志云故城在許州葉縣北二十五里

**管實**

一統志云昆陽

定陵潁川定陵縣即注見光武建武二年

漢之縣名屬潁川郡晉屬襄城郡後省之故

徒王尋司空王邑大發兵會嚴尤陳茂夏五月圍昆陽

通鑑綱目卷之八 漢紀六十九 光武皇帝



王莽遣其司徒王尋司空王邑發兵平定山東徵諸明  
兵法六十三家以備軍吏以長人巨無霸為壘尉又驅  
諸猛獸虎豹犀象之屬以助威武邑至洛陽州郡各選  
精兵牧守自將定會者四十二萬人號百餘萬在道者  
旌旗輻重千里不絕五月出潁川與光茂合諸將見兵  
盛皆反走入昆陽惶怖欲散歸諸城劉秀曰今諸將既  
少而外寇疆大并力禦之功庶可立如欲分散勢無俱  
全昆陽即技一日之間諸部亦成矣今不同心膽共奉  
功名反欲守妻子財物邪諸將怒曰劉將軍何敢如是  
秀笑而起會侯騎還言大兵且至城北軍陳數百里不  
見其後諸將迫急乃更請秀計之秀復為圖畫成敗皆  
曰諾時城中唯有八九千人秀使王鳳王常守昆陽夜  
與李軼等十三騎出城南門於外收兵時莽兵到城下  
者且十萬秀等幾不得出尋邑縱兵圍昆陽光說邑曰  
昆陽城小而堅不如先擊宛宛敗昆陽自服不聽遂圍  
之數十重列營百數鉦鼓之聲聞數十里或為地道衝  
朝撞城積弩亂發矢下如雨鳳等乞降不許尋邑自以  
功在漏刻不以軍事為憂尤曰兵法圍城為之闕宜使  
得逸出以怖

**集覽**

長人巨無霸先新莽時連帥韓傳上  
言蓬萊東南五城昭如海頗有奇士

**莽棘陽長岑彭以宛城降漢玄入都之**

身長一丈大十圍自稱巨無霸輜車不能載三馬不能  
勝臥則枕鼓以鐵箸食壘尉如淳曰漢儀注云中壘校  
尉主北軍壘門內尉一人主上書者獄上章於公車有  
不如法者付北軍尉治之定會者猶言定交也謂訂定  
盟會鉦鼓注見元帝建昭二年衝朝詩皇矣與爾臨衝  
以伐崇墉注臨臨車也衝衝車也衝通作輶光武本紀  
輶朝撞城注輶陷陣車也衝通作輶光武本紀  
輶朝撞城注輶陷陣車也衝通作輶光武本紀  
輶朝撞城注輶陷陣車也衝通作輶光武本紀

**正誤**

定會今按謂  
期定同會者

岑彭守宛城漢兵攻之數月城中人相食乃降更始入  
都之諸將欲殺彭劉續曰彭執心堅守是其節也今舉  
大事當表義士更始  
乃封彭為歸德侯

**集覽**

岑彭風俗通云岑姓  
古岑子國之後也

**質實**

岑彭

**書法**

邑長耳何以書美反正也綱目書長  
四岑彭虞詡韓韶陳寔皆錄賢也

**發明**

前已書更始為帝至此猶名之者更始奴材初  
無興漢之志群盜擁而立之向非伯升兄弟左

南陽棘  
陽人



提右挈天下必非漢有况伯升唱義反為所殺而更始又自隨即敗滅豈足以君天下哉斥而名之蓋亦求其實爾非過貶也

六月劉秀大破莽兵於昆陽下殺王尋

**考異**

提要殺作誅

魏阜梁丘賜下文嚴尤陳茂王匡哀章皆係莽臣

**考證**

當殺

作誅。謹按凡例曰凡得其罪人於臣子者曰誅王尋篡賊之臣也例當書誅諸本曰殺誤也前此赤眉破廉丹誅之厥後嚴尤陳茂為劉望將相更始遣兵擊之殺望誅尤茂提要備書如此光武誅王尋豈獨書殺乎

劉秀至鄆定陵悉發諸營兵諸將貪惜財物欲分兵守

無餘何財物之有乃悉發之六月朔秀自將步騎千餘

為前鋒去大軍四五里而陳尋邑亦遣兵數千合戰秀

見大敵勇甚可恠也且復君前請助將軍秀復進尋邑

兵却諸部共乘之斬首數百千級連勝遂前諸將膽氣

益壯無不一當百秀乃與敢死者三千人從城西水上

衝其中堅尋邑易之自將萬餘人行陣較諸營皆按部

母得動獨迎與漢兵戰不利大軍不敢擅相救尋邑陳

亂漢兵乘銳崩之遂殺尋城中亦鼓譟而出中外合勢

震呼動天地莽兵大潰走者相騰踐伏尸百餘里會大

雷風屋瓦皆飛雨下如注澠川盛溢虎豹皆股戰士卒

溺死以萬數水為不流色尤茂輕騎逃去盡獲其軍實

輜重不可勝算舉之連月不盡或燔燒其餘關中震恐

於是海內豪傑翕然響應皆殺其牧守自稱將軍用漢

**集覽**

首領無餘注見隋煬帝大業十

年號以待詔命旬

軍將最尊居中以堅銳自輔故曰中堅易之輕易視之

也行陳行下孟反陳讀曰陣巡行軍陳也澠川澠直几

反水出南陽魯陽縣東北入汝澠或作泚音

澠川即澠水也源出南陽府魯山縣流至葉縣入沙河

**書法**

殺當為誅誤也據廉丹卓賜尤茂等皆書誅莽臣也雖赤眉劉玄所殺亦書誅之

劉秀狗穎川馮異以五縣降



劉秀復狗穎川屯兵中車鄉郡椽馮異監五縣為漢兵所獲異曰異有老母在父城願歸據五城以効功報德秀許之異歸謂父城長苗萌曰諸將多暴橫獨劉將軍所到不虜畧觀其言語舉止非庸人也遂與萌率五縣以**集覽**中車鄉在穎川郡父城縣父城縣名屬穎川正降父城故城即服虔云城父楚北境者也許州葉縣東北四十五里亦有父城故城即杜預云襄城父縣者也大城二城父謂今亳州城父是也地志穎川父城縣沛郡城父縣據縣屬郡其名自分**質實**一統志云穎川郡名古先儒多惑故其名錯亂注見秦二世三年馮異穎川父城人父城漢之縣名屬穎川郡東漢末省之故城在南陽府汝州東南父城堡本殷時應國左傳楚城父城即此

**玄殺大司徒續以劉秀為破虜大將軍考異**提要書曰玄殺其大司徒

劉續

新市平林諸將以劉續兄弟威名益盛陰勸更始除之續部將劉稷勇冠三軍聞更始立怒曰本起兵圖大事者伯升兄弟也今更始何為者邪以為將軍又不肯拜更始乃與諸將陳兵收稷誅之續固爭李軼朱鮪因勸更始并執續殺之秀自父城馳詣宛謝司徒官屬迎弔秀秀不與交私語惟深引過而已未嘗自伐昆陽之功又不敢為續服喪飲食言笑如平常更始**集覽**不肯拜以是慙拜秀為破虜大將軍封武信侯

秋莽將軍王涉國師劉秀自殺

道士西門君惠謂涉曰讖文劉氏當復興國師公姓名是也涉遂與秀及大司馬董忠等謀劫莽降漢謀世皆自殺莽以其骨肉舊臣惡其內潰故隱其誅莽以軍師外破大臣內叛左右無所信憂懣不能食但飲酒鴨鰾魚讀軍書倦因馮**集覽**鰾魚鰾海魚名郭璞注三蒼云几寐不復就枕矣鰾似蛤偏著石廣志云鰾無鱗有殼一面附石細孔雜或七或九本草云石決明一名鰾魚鰾音步角反



**書法** 涉以秀名應識共謀切莽事泄自殺曷為不以

事苟以利心為之則不予之以討賊之義也綱目之法雖義

何罪之也秀為莽腹心以成其篡涉其親臣助之不

義事既成矣又欲以為已利馬則其殺也自取之而

已矣凡莽臣書自殺者皆自取之之辭也甄豐王涉

劉

**發明** 甚矣劉歆之罪一死不足以盡之也劉向指陳

與之文飾姦言矯誣當世甚至易名應識僥倖非望

卒之夷滅為天下笑自班固作漢史列歆於向傳之

未紀其著述及改名秀之後乃載在莽傳殆若二人

由是後之學者不復推考繫以向歆並稱豈知歆乃

向之罪人烏可同日而語若其父子異論是特小小

者爾綱目書莽國師則歆臣事賊莽為之謀主不言

可知觀者不

可不察也

### 成紀隗囂起兵應漢

成紀隗囂義同起兵以應漢崔兄子囂素有名好經

書共推為上將軍囂聘平陵方望以為軍師望說囂立

廟祀高祖太宗世宗稱臣執事殺馬同盟移檄郡國數

莽罪惡勒兵十萬擊殺雍州牧安定大尹分遣諸將徇

隴西武都金城武威張

掖酒泉燉煌皆下之

**集覽** 成紀注見文帝十五年隗

囂注見文帝十五年

平陵縣名注見成帝元

延元年雍州注見唐玄宗

### 公孫述起兵成都

初茂陵公孫述為清水長有能名遷導江卒正治臨邛

南陽宗成起兵徇漢中以應漢眾數萬人述遣使迎之

成等至成都虜掠暴橫述謂郡中豪傑曰天下同苦新

室思劉氏久矣故聞漢將軍到馳迎道路今百姓無辜

而婦子係獲此寇賊非義兵也乃詐為漢使

**集覽**

導江



王莽改蜀郡曰導江郡改太守曰卒正臨邛西南夷地

應劭曰臨邛臨夔正義曰夔蜀犍為郡即漢邛都縣是

婦子係獲也荆淮海岱之間罵奴曰滅罵婢曰獲

注見光武建武六年導江郡名注見後主建興三年益

州臨邛漢之縣名屬蜀郡晉因之宋齊屬晉康郡梁置

州唐初析雅州置邛州治依政縣尋移治臨邛天寶初

改臨邛郡乾元初復為邛州宋因之元初於此立安撫

司後以臨邛依政縣併入州國朝洪武初改州為縣

屬嘉定州

劉望稱帝於汝南以嚴尤陳茂為將相玄遣兵擊之殺望

誅尤茂質實武建武十九年

書法稱者何不宜稱者也故其殺之也書殺望書殺

之黨雖易王猶不免於書誅綱目之討賊嚴矣

遣上公王匡攻洛陽大將軍申屠建攻武關析人鄧曄

起兵開關迎建九月入長安孝平皇后自焚崩眾共誅莽

傳首詣宛

更始遣王匡攻洛陽申屠建李松攻武關三輔震動析

人鄧曄于匡起兵應漢西拔胡莽憂不知所出乃率群

臣至南郊陳其符命本末仰天大哭氣盡伏而叩頭諸

生小民旦夕會哭甚悲哀者除以為郎拜將軍九人皆

以虎為號將精兵數萬以東時省中黃金尚六十餘萬

斤他財物稱是莽賜九虎士人四千錢眾重怨無鬪意

至華陰回谿匡曄擊之敗走曄開武關迎漢兵以弘農

掾王憲為校尉將數百人北度渭至頻陽所過迎降諸

縣大姓各起兵稱漢將率眾隨憲李松鄧曄引軍至華

陰而長安旁兵四會城下爭欲先入城莽赦囚徒授兵

殺掃與誓曰有不為新室者杜鬼記之使史謹將之度

渭橋皆散走眾兵發掘莽妻子父祖冢燒其棺槨及九



廟明堂辟雍火照城中九月朔兵入明日城中少年燒  
作室門火及掖庭黃皇室主曰何面目以見漢家自長  
火中而死莽避火宣室前殿火輒隨之莽紺袍服詩虞  
帝七首天文郎按式於前莽旋席隨斗柄而坐曰天生  
德於予漢兵其如予何又明日群臣扶莽之斬臺欲阻  
池水衆共圍之下舖時衆兵上臺苗訢唐尊王盛等皆  
死商人杜吳殺莽校尉公賓就斬首軍人分莽身節解  
鬻分之就持詣平憲憲自稱漢大將軍城中兵數十萬  
皆屬焉居二日李松鄧曄入長安趙萌申屠建亦至以  
王憲得璽綬不上多挾宮女建天子鼓旗收斬之傳莽  
首詣宛外戚折節力行以要名譽及居位輔政勤勞國  
家直道而行豈所謂色取仁而行違者邪莽既不仁而  
有佞邪之材又乘四父歷世之權遭漢中微國統三絕  
而太后壽考為之宗主故得肆其姦慝以成篡盜之禍  
及其竊位南面顛覆之勢險於桀紂而莽晏然自以黃  
虞復出也乃始恣睢奮其威詐毒流諸夏亂延蠻貊猶  
未足逞其欲焉是以四海囂然遠近俱發城池不守支  
體分裂自書傳所載亂臣賊子考其禍敗未有如莽之  
甚也昔秦燔詩書以立私議莽誦六藝以文姦言同歸

殊塗俱用滅亡皆聖王之驅除云爾**集覽**武關注見周報王四年析人析

弘農有析縣而左傳云析一名白羽括地志云鄧州內  
鄉縣城本春秋楚析邑也因析水為名湖注見武帝征  
和二年瀕陽注見秦王政二十一年史諶姓名諶音時  
壬反宣室顏師古曰三輔黃圖云宣室未央宮前殿正  
室也齋則居之漢書云文帝受釐坐宣室即此也緝袍  
服緝古暗反袍音均韻會注袍戎服也偏繫謂之袍王  
莽傳顏師古注緝深青而楊赤色袍純也純為緝服也  
袍通作均左傳均服振振注戎事上下同服持虞帝七  
首七首尺八短劍也莽自謂虞舜是其始祖故名之曰  
虞帝七首蓋欲神異之謂執持之則兵不敢犯也按式  
式漢書作栻韻會注栻與式通木局也有天地所以推  
陰陽占吉凶以楓子棗心為之漸臺注見武帝太初元  
年舖時舖奔謨反說文曰申時食也公賓就公賓複姓  
就名也詰宛句絕宛注見周報王十七年提擊之索隱  
曰服虔云提音第蕭該音底提者擲也案蕭音為得之  
四父王譚王音王商王根皆莽之伯叔父也黃虞復出  
莽自以我為黃帝虞舜再出世也恣睢注見秦二世二  
年聖王之驅除云爾王莽傳注驅逐掃除以待聖人也



史記秦楚之際月衰鄉秦之禁適足以資賢者為驅除  
難耳索隱曰言秦前時之禁兵及不封樹諸侯適足以  
為漢高驅除患難也公**正誤**虞帝七首今按此蓋莽有

羊傳驅除注驅音去聲**質實**一統志云析漢之縣名屬弘  
始祖故而名之也四置浙陽郡西魏改內鄉縣後周廢隋復置屬浙州唐貞  
觀中州罷以縣屬鄧州宋析置順陽縣元以順陽省入

仍屬鄧州本朝因之屬南陽府華陰縣注見獻帝  
興平二年回谿注見光武建武三年弘農郡名注見獻  
帝興平二年渭水名注見高帝五年匡春秋衛邑名  
秦屬陳留郡漢置長垣縣又注見唐僖宗乾符二年

**書法**

書人也書鄧擘何予義且志功也苟有義雖人必  
不書黃皇室主何內之也后自劉氏廢常稱疾不朝

會既聞更號大怒因發病不肯起是則猶有漢氏之  
心焉書曰孝平皇后不絕之於漢也故莽母妻皆書  
死后雖莽女雖自焚猶書崩綱目之權衡審矣莽誅

其攻也

**發明**

后莽之女也自莽篡漢已易其號為安定太后  
既又更為黃皇室主前史隨其所稱而此皆不

書之者后有存漢之節莽不得而易之也夫以莽之  
狂繆其子非之其女亦非之則天下之人從可知矣  
乃有名為士大夫者受其爵食其祿甘為之臣僕而

不知耻者是其智又在婦人女子下矣豈不甚可  
愧哉綱目特書孝平皇后自焚崩則其不絕於漢不  
失為天下之母不以莽故而沒其實能全大節不辱

其身皆瞭然在目矣凡此類非綱目不能修也○甚  
矣亂臣賊子之欺世也禮施於國宋鮑之所以弒其  
君厚施於民田氏之所折節下士輕財好施虛譽隆

往若此方莽未篡之前折節下士輕財好施虛譽隆  
洽元后為其所惑為之宗主浸淫至於盜國毒流四  
海然後大兵四合克殄元惡雖漢祚復還而其禍亦  
慘矣按分注杜吳殺莽軍人皆得而討眾所共誅之者

也自莽之敗出於劉氏之復興由是後世篡國之人  
往往殄滅前代種族至無遺育是莽不獨貽禍當時  
亦且貽禍萬世其為害也夫矣茲故因而及之



王匡拔洛陽誅莽守將王匡哀章。冬十月玄北都洛

更始將都洛陽以劉秀行司隸校尉使前修官秀乃置僚屬作文移從事司察一如舊章時三輔吏士東迎見

諸將過皆冠幘而服婦人衣莫不笑之及見司隸僚屬皆歡喜不自勝老吏或垂涕曰不圖今日復見漢官威

儀由是識者皆屬心集覽文移移箋表之類也官曹公馬更始逐北都洛

察從事官名漢舊儀司隸校尉置從事史十二人以主察舉冠幘冠弁冕之總名也幘巾也古有冠無幘幘者

卑賤執事者所服其後貴賤皆服之稍稍作顏題有赤幘青幘素幘布幘

### 分遣使者徇郡國

更始分遣使者徇郡國曰先降者復爵位至上谷太守耿况迎上印綬使者納之一宿無還意功曹寇恂勒兵

入見使者曰天下初定使君建節銜命郡國莫不延頸傾耳今始至上谷而先墮大信將復何以號令他郡乎

使者不應恂叱左右以使者命召况取集覽至上谷為印綬帶之使者不得已乃承制詔之集覽至上谷注

見秦王政一年先墮

質實耿况茂陵人寇恂上谷昌平人

### 以彭寵為漁陽太守

兖人彭寵吳漢亡命在漁陽韓鴻為更始使徇北州承制拜寵漁陽太守以漢為安樂令

質實一統志云

漁陽郡名注見秦王政三年安樂漢之縣名屬漁陽郡東漢廢之後魏復置安樂郡及縣於此尋省之故城在

順天府密雲東北五十里

### 樊崇降漢既而逃歸

更始遣使降赤眉樊崇等聞漢復興留其兵自將渠帥二十餘人隨使者至洛陽皆封為列侯未有國邑而留

衆稍離叛乃復亡歸

### 莽廬江連率李憲據郡稱淮南王

質實廬江郡名注見景帝四年連率注見

新莽天鳳元年李憲穎川昌邑人○玄封劉永為梁王



永故梁王立之子也

**質實**

睢陽國名注見景帝四年梁國

### 以劉秀行大司馬事遣狗河北

更始欲令大將徇河北大司徒賜言諸家子獨有文叔可用朱鮪等以為不可賜深勸之乃以秀行大司馬事持節北度河鎮慰州郡

### 劉賜為丞相令入關脩宗廟宮室

**考異**

劉上漏以字一本有以字

**書法**

脩葺舊也終綱目書脩宮七年是年靈帝中平三年獻帝建安元年朱癸卯年唐太宗貞觀四年

五年憲宗元和十三年

### ○大司馬秀至河北除莽苛政復漢官名

大司馬秀至河北所過郡縣考察官吏黜陟能否平遣因徒除王莽苛政復漢官名吏民喜悅爭持牛酒迎秀皆不受南陽鄧禹杖策追秀及於鄴秀曰我得專封拜生遠來寧欲仕乎禹曰不願也秀曰即如是何欲為

禹曰但願明公威德加於四海禹得効其尺寸垂功名於竹帛耳秀笑因留宿問語禹進說曰今山東未安赤

眉青犢之屬動以萬數更始既常才而不自聽斷諸將皆庸人屈起志在財幣爭用威力朝夕自快而已非

有忠良明智深慮遠圖欲尊王安民者也歷觀往古聖人之興天時人事二科而已今以天時觀之更始既立

而災變方興以人事觀之帝王大業非凡夫所任分崩離析形勢可見明公雖建藩輔之功猶恐無所成立也

况明公素有盛德大功為天下所嚮服軍政齊肅賞罰明信為今之計莫如延攬英雄務悅民心立高祖之業

救萬民之命以公而慮天下不足定也秀大悅因令禹常宿止於中與定計議每任使諸將多訪於禹皆當其

才○秀自縊死每獨居輒不御酒肉枕席有涕泣處主簿馮異獨叩頭寬譬因進說曰更始政亂百姓無依人

父饑渴易為充飽宜分遣官屬循行郡縣宣布惠澤秀納之騎都尉耿純謂秀退見官屬將兵法度不與他將

同遂自**集覽**平遣囚徒平音病平其不平也遣縱放也

正義曰今相州臨漳縣是括地志云故鄴郡城在漳河北西南去彰德府二十里專封拜言封侯拜將我得專



擅此權何欲為劉貢父曰案文多一為字不然當云欲何為問語問音開就留止宿俟間暇時說語赤眉賊之

起二科猶言二件謂天時人事所任音壬負也謂猶器物人所負持也以公而慮公稱劉秀也說文慮謀思也

宿止於中謂幕府中每獨居無人傍侍故曰獨居寬譬寬緩譬匹也緩為辭說匹而論之狗行巡視也如淳曰狗撫狗之狗狗其人民也行下孟反視

專封拜今按劉秀大槩言得自除官不必專指封侯拜將寬譬今按謂設為譬喻寬解之

鄴古邑名戰國魏文侯始封於此漢屬魏郡東漢末魏公曹操居此晉始改為臨漳縣東魏復增置鄴縣後周移臨漳治於城東二十里屬魏郡隋改為靈芝縣俄復舊唐屬相州宋省鄴縣入馬金元仍舊本朝因之屬漳德府耿純

鉅鹿宋子人

**書法**特筆也沛公之入咸陽也書除秦苛法大司馬之至河北也書除秦苛法政漢之中興宜哉

**發明**帝王之興其施為氣象必有大過人者觀漢祖入關之始除秦苛法與世祖徇河北之日除秦苛政則區區逐鹿爭雄之徒豈可同日而語然則祀夏配天不失舊物亦豈偶然之故哉書以美之宜也

### 十二月王郎稱帝於邯鄲狗下幽冀

劉林說秀決列人河水以灌赤眉秀不從去之真定林素任俠於趙魏間王莽時長安中有自稱成帝子子與

者莽殺之邯鄲卜者王郎緣是詐稱真子與林等信之與趙國大豪李育等入邯鄲立郎為天子狗下幽冀州郡響

**集覽**任俠注見武帝元朔二年王郎姓名一名昌邯鄲注見周威烈王二十三年狗下狗巡師

宣令也下者以**質實**一統志云劉林趙繆王之子漢之兵威服之也

### 年春正月大司馬秀北狗薊

舊名遼改為析津縣金改為大興縣元仍舊本朝因之為順天府治所仍屬焉

長安

甲甲



三輔既平申屠建李松迎更始遷都長安居長樂宮亦  
前殿即吏以次列庭中更始羞作俛首刮席不敢視諸  
將後至者更始問虜掠得幾何  
**集覽** 刮席刮摩也正義  
左右皆官省久吏驚愕相視  
至於  
席上

### 封諸功臣遣大司馬朱鮪將軍李軼鎮撫關東

李松趙萌說更始宜悉王諸功臣朱鮪爭之以為高祖  
約非劉氏不王更始乃先封諸宗室然後立諸功臣皆  
為王以鮪為膠東王鮪辭不受乃以  
為左大司馬使與李軼等鎮撫關東

### 以李松為丞相趙萌為右大司馬

更始納萌女為夫人故委政於萌日夜飲讌後庭群臣  
欲言事輒醉不能見時不得已乃令侍中坐帷內與語  
萌專權生殺自恣即吏有言者更始怒拔劍擊之以至  
群小膳夫皆濫授官爵長安為之語曰竈下養中郎將  
爛羊胃騎都尉爛羊頭關內侯將軍李淑上書切諫更  
始囚之諸將在外者皆專行誅賞各置牧守州郡交錯

不知所從由是關  
中離心四海怨叛

#### 集覽

竈下養養去聲韋昭曰炊烹為  
養言此徒亦得授中郎將中郎

將百官表中郎有五官左右三將秩皆比二千石司馬  
相如為中郎將注索隱曰四百石五歲遷補大縣令騎  
都尉初武帝置羽林騎至宣帝令騎都尉  
監之秩比二千石關內侯注見文帝六年  
寬為弟子都養謂  
主給事烹炊也

### 徵隗囂為右將軍

更始徵隗囂及其叔父崔義等方望以為更始成敗未  
可知固止之囂不聽望以書辭謝而去更始以囂為右  
將軍

#### 集覽

崔義隗崔  
與隗義也

### 大司馬秀以耿弇為長史

耿况遣其子弇詣長安弇時年二十一至宋子會王郎  
起從吏曰子與成帝正統捨此不歸遠行安之弇按劍  
曰子與弊賊卒為降虜耳我至長安陳漁陽上谷兵馬  
歸發突騎以犄烏合之眾如摧枯折腐耳公等不識去



就族滅不父也奔開大司馬秀在盧奴乃馳北上謁秀  
留署長史與俱北至薊令功曹王霸募人擊王郎市人  
皆大笑舉手邪榆之霸慙懼而反秀將南歸弁曰今兵  
從南方來不可南行漁陽太守彭寵公邑人上谷太守  
即弁父也發此兩郡控弦萬騎邯鄲不足慮也秀官屬  
皆曰死尚南首柰何北行入囊中秀指弁曰是我北道  
主人**集覽**宋子地理志鉅鹿郡宋子縣括地志云故城  
也其驍銳可以衝突敵人以麟音吝說文轉也廣韻車踐  
也盧奴狄都也在中山郡屬冀州正義曰今定州安喜  
縣是水經云縣有黑水故也水黑曰盧不流曰奴因以  
名縣邪榆音耶榆王霸傳注字作彪瘕說文舉手相笑  
也處弋支反瘕音踰或音由章懷曰此云邪榆語輕重  
不同耳控弦控引也匈奴傳引弓控弦注謂滿引弓弩  
也北行入囊中漁陽上谷北接塞**質實**漢一統志云宋子  
垣謂至彼則路窮如入囊中也漢之縣名屬鉅  
鹿郡隋省入平棘縣故城在真定府趙州東北二十里  
盧奴漢之縣名屬中山郡俗謂黑水曰盧不流曰奴因  
其水黑不流故以名縣東漢末省入定州故城  
在真定府城東北一百三十七里王霸頓陽人

### 薊城反應王郎大司馬秀走信都和戎發兵擊邯鄲

薊中反應王郎城內擾亂於是秀趣駕出城晨夜南馳  
至蕪蕪亭時天寒馮異上豆粥至饒陽官屬皆乏食晨  
夜兼行蒙犯霜雪面皆破裂至下曲陽傳聞王郎兵在  
後至噶沱河候吏還白河水流澌無船不可濟秀使王  
霸往視之霸恐驚衆還即詭曰水堅可渡遂前至河  
冰亦合乃度未畢數騎而冰解至南宮遇大風雨入道  
傍空舍馮異抱薪鄧禹爇火秀對竈燎衣馮異復進麥  
飯至下博城西惶惑不知所之有白衣老人指曰努力  
信都為長安城守去此八十里秀即馳赴之時郡國皆  
已降王郎獨信都太守任光和戎太守邳彤不肯光自  
恐不全聞秀至大喜彤亦來會議者多欲西還彤曰王  
郎假名烏合無有根本之固明公奮二郡之兵以討之  
何患不克今釋此而歸豈徒空失河北必更驚動三輔  
墮損威重非計之得者也若明公無復征伐之意則雖  
信都之兵猶難會也何者明公既西則邯鄲勢成民不  
肯捐父母背成主而千里送公公其離散亡逃可必也秀  
乃止秀以二部兵弱欲入城頭子路子都軍中任光  
以為不可乃發傍縣得精兵四千秀拜光彤大將軍



將兵以從光多作檄文曰大司馬劉公將城頭子路子都兵百萬衆從東方來擊諸反虜吏民得檄傳相告語劉植聚兵數千人擄昌城耿純率宗族賓客二千餘人老病者載木自隨皆來迎秀秀皆以為將軍衆稍合至萬人北擊中山進拔盧奴所過發犇命兵移檄邊郡共擊邯鄲郡縣還復響應時真定王楊起兵附王郎衆十餘萬秀遣植說降之因納楊甥郭氏為夫人進擊元氏防子皆下擊斬王郎將李恂

**集覽**

燕蕪

深州縣在晉州饒陽縣北亭亦在馬饒陽今深州是又深州縣元隸晉州在真定路徐廣曰深州饒陽屬河間府在饒河北括地志云漢饒陽故城在瀛州饒陽縣東二十里案瀛州即今河間也下曲陽徐廣曰在鉅鹿郡或曰定州鼓城縣是噶沱河噶本作濤或作濤一作呼並音荒胡反沱或作池並音徒河反地理志濤沱河自代郡鹵城縣東去參合縣又東經真定南關又東過霸州文安入海山海經云大猷之山濤沱之水出焉記禮器曰晉人將有事於河必先有事於惡池注惡當為呼聲之誤也禮職方氏正北曰并州其州庫池注庫池出鹵城流澌澌音斯流水也南宮地理志信都郡南宮縣案信都今冀州是下博鎮名在深州靜安縣信都注

見秦二世二年和戎郡名王莽分鉅鹿郡為和戎皆成主通鑑考異曰漢書邳彤傳邯鄲城民不肯背城主字皆作城表紀作邯鄲指城民不肯指棄和城而千里送公楚漢春秋作邯鄲之民不肯指父母背成主案文意城皆當作成邯鄲成謂邯鄲勢成也成主謂王郎為已成之主城頭子路正義曰地名也在東海郡中山注見周威烈王二十三年犇命兵犇音奔謂奔命來歸之兵也荀子議兵篇犇命者不獲元氏防子皆常山屬縣今真定有元氏縣無防子縣有房山在平山縣疑即此縣防乃作房正義曰元氏防子皆趙州所理縣正誤城頭子路今按是時爰魯字子路起兵盧城頭故號城頭子路有衆二十餘萬子路都有衆六七萬故劉秀欲依之犇命兵今按漢書昭帝紀益州夷反註應劭曰舊時郡國皆有材官騎士以赴急難今夷反常兵不足以討之故權選取精勇聞命奔走故謂之奔命李斐曰言急也顏師古曰犇古奔字

**質實**

一統志

漢馮異進豆粥於光武處饒陽漢之縣名屬涿郡東漢屬安平國晉屬博陵國隋屬瀛州唐為深州治所五代宋金皆屬深州元改屬晉州本朝因之屬真定府下



曲陽漢之縣名屬鉅鹿郡晉屬趙國後魏曰曲陽屬鉅鹿郡北齊廢隋置昔陽縣屬定州尋改為鼓城縣屬趙郡唐屬定州後屬恒州宋金俱屬祁州元置晉州本朝因之以鼓城縣省入改屬真定府

真定府平山縣界至直沽入于海

都國東漢屬安平國晉省後復置北齊省隋復置屬冀州宋省堂陽新河縣入焉金元仍舊

定府下博漢之縣名屬信都國東漢及晉屬安平國隋屬信都郡開皇中始置深州治安平縣後廢唐復置深州於饒陽後移治陸澤五代周始徙治下博宋改下博曰靜安金元仍舊

本朝以靜安縣省入改屬真定府

任光南陽宛人邛邛信都人劉植鉅鹿昌城人元氏漢之縣名為常山郡治所晉改屬趙國北齊省隋復置屬趙郡唐屬趙州五代宋金元皆隸真定

本朝因之屬真定府

後魏屬趙郡北齊省隋復置唐改臨城縣屬趙州宋金元仍舊

本朝因之改屬真定府

延岑據漢中漢中王嘉擊降之

**質實** 漢中郡名注見○大

### 司馬秀以賈復祭導為將軍

漢中王嘉既克延岑有衆數十萬校尉賈復見更始政亂乃說曰今天下未定而大王安守所保所保得無不可保乎嘉曰卿言大非吾任也大司馬在河北必能相用乃薦復及陳俊秀以復為將軍俊為掾秀舍中兒犯法軍市令祭導格殺之秀怒命收導主簿陳副諫曰明公常欲衆軍整齊今導奉法不避是教令所行也乃以為刺姦將軍謂諸將曰當備祭導吾舍中兒犯法尚殺之必不私諸卿也

**集覽** 祭導祭測界先受封於祭後因氏

**質實** 賈復冠軍人陳俊南陽馬當備本傳備作避

西鄂人祭導潁陽人

### 玄遣尚書僕射鮑永安集河東

初王莽既殺鮑宣吏欲殺其子永上黨太守苟諫保護之得全更始徵為尚書僕射將兵安集河東永以馮衍為將軍屯太原與上黨太守**集覽** 并土并州之地案田邑繕甲養士以扞衛并土

**質實** 鮑永屯留人馮衍杜陵人野王之孫并州名注見晉愍帝建興四年

南監綱目卷之八



大司馬秀拔廣阿

大司馬秀引兵東北拔廣阿按輿地圖指示鄧禹曰天下郡國如是今始乃得其一子前言以吾慮天下不足定何也禹曰方今海內殺亂人思明君猶赤子之慕慈母古之興者在德厚薄不以大小也

**集覽**

廣阿

正義曰廣阿縣屬鉅鹿郡案鉅鹿今邢州是廣阿今趙州是秦屬邯鄲郡後魏以廣阿城置殷州至齊改為趙州按輿地圖漢書音義曰按閱視也圖書也地象車輿

載物故曰輿地蘇林曰地曰輿猶畫載之意索隱曰志林云輿地圖漢家

所書非出遠也 **質實** 一統志云廣阿漢之縣名屬鉅鹿郡東漢省後魏復置屬趙郡

隋改為象城縣尋為大陸縣屬趙州唐復為象城尋改為昭慶縣宋更名隆平尋省入臨城縣後復置金屬沃

州元屬趙州本朝因之屬真定府

耿弇以上谷漁陽兵行定郡縣會大司馬秀於廣阿秀以

其將寇恂吳漢等為將軍夏四月進拔邯鄲斬王郎

前中之亂耿弇與大司馬秀相失北走昌平說其父况擊邯鄲時王郎將兵徇漁陽上谷急發其兵北州多欲

從之寇恂曰邯鄲拔起難信大司馬伯亦母弟尊賢下士可歸恂請東約漁陽齊心合眾邯鄲不足圖也况遣

恂約彭寵寵吏吳漢蓋延王梁亦方勸寵從秀會恂至乃發步騎三千人以漢延梁將之攻薊殺王郎將趙閎

斬王郎大將以下三萬級定涿郡中山鉅鹿清河河間

凡二十二縣前及廣阿聞城中車騎甚眾問何兵曰大司馬劉公也諸將喜即進至城下城中初傳言二郡

兵為邯鄲來秀自登城問之弁拜於城下具言發兵狀秀乃悉召入笑曰邯鄲將帥數言我發漁陽上谷兵吾

聊應言我亦發之何意二郡良為吾來方與士大夫共此功名耳乃以丹等皆為偏將軍加况寵大將軍封例

侯漢為人質厚少文造次不能以辭自達然沈勇有智畧鄧禹數薦之更始遣尚書令謝躬率六將軍討王郎

不能下秀與合軍圍鉅鹿即遣將倪宏救鉅鹿秀戰不利丹等縱突騎擊之大敗秀曰吾聞突騎天下精兵今

見其戰樂可言邪耿純曰久守鉅鹿士眾疲弊不如及大兵精銳進攻邯鄲四月進軍邯鄲連戰破之郎使杜

...

...



威請降威稱郎實成帝遺體秀曰設使成帝復生天下不可得况詐子與者乎威求萬戶侯秀曰顧得全身可矣威怒而去秀急攻之五月拔邯鄲即走追斬之收郎

文書得吏民與郎交關謗毀者數千章秀不省會諸將燒之曰令反側子自安秀部分吏卒皆言願屬大樹將軍大樹將軍者馮異也為人謙退不伐救吏士非交戰

受敵常行諸營之後每所止舍諸將並坐論功異常獨屏樹下故軍中號曰大樹將軍

軍都縣屬上谷郡莽改長昌唐改燕平而晉仍為昌平後皆因之今大興府昌平縣是也括地志云昌平故城在幽州東南六十里邯鄲拔起難信邯鄲謂王郎也拔

起猶言屈起也實融傳拔起風塵之中注拔步未反卒也又彭八反義兩通可歸句絕案寇恂傳作士多歸之

可攀附也涿郡今涿州也黃帝與蚩尤戰於涿鹿之野即此地城外有涿河朝李河合范河東流入海故名范

陽在幽州南百五十里清河郡名古貝州也屬冀州漢桓帝時梁冀惡清河名乃改為井陵案今恩州是河間

漢河間國隋唐為瀛州宋陞河間府在幽州東南四百七十五里交關交結關過也不伐語孟之反不伐饒雙

峯講義曰伐如伐木之伐凡人誇其能乃所以自伐其能也故謂之伐老子曲則全章不自伐故有功不自

矜故長莊子山木篇吾聞之大成之人曰自伐者無功

質實昌平縣名注見光武建武十六年蓋延漁陽安陽人王梁漁陽安陽人景丹馮翊灤陽人漁陽郡名

注見秦王政三年一統志云涿郡漢初所置治涿邑曹魏改為范陽郡晉改為范陽國後魏復為范陽郡隋為

涿郡唐初廢郡為范陽縣屬幽州大曆中又於縣置涿州遼置永泰軍宋改涿水郡金復為涿州元陞涿州路

尋為涿州本朝以范陽縣省入仍屬順天府中山郡名注見周威烈王二十三年鉅鹿郡名注見靈帝中平

二年清河漢之郡名治歷城縣北齊移治武城縣後周置貝州郡如故隋罷郡以清河縣屬黔州五代晉陞為

永清軍宋改為恩州金屬大名府元直隸省部本朝改為恩縣仍屬東昌府河間漢之國名屬鉅鹿郡東漢

併入信都國尋後舊後魏於樂成縣立瀛州後置河間郡隋罷郡置瀛州大業初改為河間郡唐改瀛州五代

晉初入遼周復取之宋陞為河間府瀛海軍節度元為河間路本朝改為河間府直隸京師

玄立大司馬秀為蕭王

漢書卷之八

漢書卷之八



更始遣使立秀為蕭王罷兵與諸將有功者詣行在所  
遣苗曾為幽州牧韋順蔡充為上谷漁陽守蕭王居邯  
鄲宮晝卧温明殿耿弇入請問曰吏士死傷者多請歸  
上谷益兵王曰王郎已破河北畧平復用兵何為弇曰  
王郎雖破天下兵革乃始耳今使者從西方來欲罷兵  
不可聽也銅馬赤眉之屬數十輩輩數十百萬人所向  
無前聖公不能辦也敗必不久王起坐曰卿失言我斬  
卿弇曰大王哀厚弇如父子故敢披赤心王曰我戲卿  
耳何以言之弇曰百姓患苦王莽復思劉氏聞漢兵起  
莫不歡喜如去虎口得歸慈母今更始為天子而諸將  
擅命於山東貴戚縱橫於都內元元叩心更思莽朝是  
以知其必敗也公功名已著以義征伐天下可傳檄而  
定也天下至重公可自取毋令他姓得之王  
乃辭以河北未平不就徵始於更始矣

**集覽**

蕭王

志沛郡有蕭縣括地志云今徐州縣古蕭叔國城

質實

一統志云蕭古國名春秋為宋邑漢為蕭縣屬沛郡東

漢屬沛國晉因之北齊改為承高縣隸彭城郡隋初屬  
徐州尋改為龍城縣又改為臨沛縣大業初復曰蕭縣  
屬彭城郡歷唐五代宋金並屬徐州元初併入州尋復

置本朝因之改屬徐州

### 秋蕭王擊銅馬諸賊悉收其眾南徇河內降之

是時諸賊合數百萬人所在寇掠王欲擊之乃拜吳漢  
耿弇俱為大將軍持節北發幽州突騎苗曾救諸郡不  
得應調漢收斬之弇到上谷亦斬韋順蔡充悉發其兵  
王擊銅馬於鄆吳漢將突騎來會悉上兵薄於莫府請  
所付與不敢自私王益重之王以朱浮為幽州牧治薊  
銅馬夜遁王追擊大破之受降未盡而高湖重連來與  
其餘眾合王復與戰悉破降之諸將未能信賊降者亦  
不自安王知其意敕令降者各歸營勒兵自乘輕騎案  
行部陳降者更相語曰蕭王推赤心置人腹中安得不  
投死乎悉以分配諸將眾遂數十萬赤眉別帥與青犢  
上江大彤鐵脛五幡十餘萬眾在射犬王擊破之南徇  
河內太守韓歆降謝躬數欲襲王未發至是率兵數萬  
還鄆邀擊尤來於隆慮山大敗王使吳漢  
岑彭襲據鄆城躬還漢等斬之其眾悉降

**集覽**

鄆徐廣

堯反地理志鉅鹿有鄆縣高湖重連二賊帥姓名上江  
賊之號大彤賊鐵脛賊五幡賊射犬徐廣云射犬縣屬



河內案河內今懷州是欲襲王春秋傳例凡師出有鐘鼓曰伐無鐘鼓曰襲注襲掩其不備也尤來賊隆慮山隆或作林慮音閭山在河內

公孫述自稱蜀王

更始遣李寶狗蜀漢公孫述遣其弟迎擊於綿竹大破走之述遂自立為蜀王都成都民夷皆附之

綿竹邑名屬廣漢郡今漢州縣也成都古蜀國秦置蜀郡漢置益州晉改成都國唐改成都府蓋取史記三年

成都一統志云成都秦之縣名屬蜀郡本春秋時之義

蜀侯所理漢末益州治此晉宋齊梁並因之隋屬益州唐宋元為成都路治所本朝因之為成都府治所仍隸焉綿竹縣名注見獻帝興平元年

冬赤眉西攻長安

赤眉雖數戰勝而疲敝愁泣思欲東歸樊崇等慮眾東向必散不如西攻長安既入潁川遂分二部崇自武關

徐宣自陸渾關兩道俱入更始使王匡等分據河東弘農以拒之

秋僖二十二年秦晉遷陸渾之戎于伊川杜預曰允姓之戎居陸渾在秦晉西北二國誘而徙之伊川遂從戎

號至今為陸渾縣也後書云陸渾戎自瓜州遷於伊川

質實武關注見周赧王四

之縣名屬弘農郡晉屬河南郡東魏置伊川郡隋改伊州尋廢唐析置伊陽縣屬河南府五代時以陸渾省入

伊陽宋又以伊陽縣省入紹興初陸為順州金改高州治伊陽縣元以縣省入州蜀南陽府本朝降州為嵩

縣改屬河南府

蕭王遣將軍鄧禹將兵入關寇恂守河內馮異拒洛陽自

引兵徇燕趙

蕭王將北徇燕趙度赤眉必破長安乃拜鄧禹為前將軍中分麾下精兵二萬人遣西入關時朱鮪李軼守洛

陽鮑永田邑在并州王以河內險要富實欲擇守者而難其人問於鄧禹曰寇恂文武備足有牧民禦衆之



才非此子莫可使也乃拜恂河內太守謂曰昔高祖留蕭何關中吾今委公以河內當給足軍糧率厲士馬防遏他兵勿令北渡拜馮異為孟津將軍統兵河上以拒洛陽王乃引兵而北恂調餼糧治器械以供軍未嘗乏

**集覽** 孟津孔穎達曰孟者河北地名於其地置津故名孟津春秋隱十一年王與鄭人蘇忿生之田

十二邑其一曰盟即此杜預曰盟今盟津也盟音孟王充論衡曰周武王伐紂與八百諸侯同盟於此故曰盟

津十三州志云河內河陽縣在於河上即孟津也正義曰富平津水經云小平

**質實** 并州注見晉愍帝建興四年一統志云孟津古地名

周武王伐紂師渡孟津即此漢置河陽縣屬河內郡後廢隋復置唐初析置河清縣屬懷州又改屬孟州後屬河南府宋治白波鎮金徙治孟津渡改為

孟津縣元仍舊本朝因之屬河南府

### 玄以隗囂為御史大夫

隗崔隗義謀叛歸天水囂告之

**質實** 天水郡名注見光武建武元年

更始誅崔義以囂為御史大夫

### 梁王永據國起兵

梁王永起兵攻下濟陰山陽沛楚淮南汝南凡得二十八城以沛人周建等為將帥又拜賊帥西防佼疆東海董憲琅邪張步為將軍督青州徐

二州與之連兵遂專據東方

**集覽** 西防未詳或曰孔子葬母於防恐即

此也防注見成帝永始元年佼疆姓名也佼古巧反字或作佼

### 書法

永者何梁王立子也有國舊矣於是莽已誅滅帝則書起兵而稱梁王成蕭王之為帝則削爵而稱劉永

### 秦豐據黎丘自號楚黎王

**質實** 黎丘城名注見光武建武三年 ○田戎陷

### 夷陵轉寇郡縣

**質實** 夷陵縣名注見周赧王三十六年

### 世祖光武皇帝建武元年

**考異** 按凡例正統大書君名注云後有即位在今年內者

用之則此年當大書世祖光武皇帝秀建武元年

春正月方望以前定安公嬰稱

酉乙



帝於臨涇玄遣兵擊斬之

**質實**

定安縣名注建新莽始建國元年臨涇漢之縣名屬

安定郡晉郡治此唐屬涇州元併入鎮原州故城在平涼府鎮原縣西二里

**書法**

定安公前書莽廢則不宜廢者也此其不書故太子何書故太子則宜帝矣長大不能名六畜

尚足以帝乎故書以稱帝以者見以於人也帝王所自立者也見以於人則不足以帝矣綱目書以稱帝者五子嬰盆子梁蕭正德蕭莊閩僧卓巖明與書使稱帝魏使梁王登遣稱帝齊遣貞陽侯淵明者則反矣

○赤眉至弘農玄遣兵擊之大敗赤眉進至湖

**質實**

弘農郡名

注見獻帝興平二年湖縣名注見武帝征和二年

○夏四月公孫述稱成帝

號元龍興

蕭王擊尤來大槍五幡敗之

王擊諸部連破之乘勝輕進及為所敗歸保范陽軍中不見王或云已破諸將不知所為吳漢曰卿曹努力王兄子在南陽何憂無主衆乃定陳俊曰賊無輜重若絕其食可不戰而殄也王遣俊將輕騎馳出賊前視人堡壁堅完者敕令固守放散在野者質實范陽郡名注見因掠取之賊至無所得遂散敗帝玄更始二年涿郡陳俊南陽西鄂人

朱鮪殺李軼攻温平陰馮異寇恂擊破之

馮異遣李軼書勸令歸附軼知長安已危而以伯升之死心不自安乃報異書而不復與爭鋒故異得北攻天井關拔上黨兩城又南下成臯已東十三縣降者十餘萬斬河南太守武勃軼閉門不救異以白王王報曰季文多詐人不能得其要領今移其書告守尉當警備者朱鮪聞之使人刺殺軼由是城中爭離多有降者鮪遣將攻温自將攻平陰以綴異寇恂聞之勒軍馳出移告屬縣發兵會温軍吏皆諫宜待衆軍畢集乃出恂曰温郡之藩蔽失温則郡不可守遂馳赴之將戰而馮異遣救及諸縣兵皆至犇擊破之異亦渡河擊走鮪與恂追



至洛陽環城一匝而歸自是洛陽城門盡閉異伯移檄  
上狀諸將入賀馬武進曰大王雖執謙退奈宗杜何宜  
先即尊位乃議征伐今此誰

**集覽**

路州上黨縣正義曰在今

注見秦莊襄王元年李文李軾字不能得其要領注見  
武帝元鼎二年温郡之藩蔽言温縣於河內郡至重可  
為河內之藩籬障蔽也温

**質實**

上黨郡名注見周赧王

見光武建武十五年

**質實**

五十二年平陰縣名注

### 蕭王遣將追尤來等又大破之

王引軍還薊復遣吳漢等追尤來等破散畧盡賈復傷  
瘡甚王大驚曰我所以不令賈復別將者為其輕敵也  
果然失吾名將聞其婦有孕生女邪我子娶之  
生男邪我女嫁之不令其憂妻子也復病尋愈

### 六月蕭王即皇帝位改元大赦

王還至中山諸將復上尊號不聽到南平棘復固請之  
不許諸將且出賦純進曰天下士大夫皆視戚棄土壤

從大王於矢石之間者其計固欲攀龍鱗附鳳翼以成  
其所志耳今大王留時逆衆不正號位純恐去大夫望

絕計窮則有去歸之思無為久自苦也大衆一散難可  
復合純言甚誠切王深感曰吾將思之行至鄙召馮異

問四方動靜異曰更始必敗宗廟之憂在於大王宜從  
衆議會儒生彊華自關中奉赤伏符來詣王曰劉秀發

兵捕不道四夷雲集龍圖野四七之際

火為主羣臣因復奏請乃即位於鄴南

平棘縣正義曰今趙州平棘縣古棘蒲邑也

山郡有鄴邑戰國趙地光武於鄴南即位改曰鄴邑

李奇曰鄴音矚按史記王子侯表漢武封趙敬肅王子

劉延年於鄴索隱曰漢表鄴作歆音許昭反鄴氏音火

角反一音昊疆華姓名光武同舍生疆其兩反赤伏符

讖記之書曰符赤伏其符之名顏師古曰漢德尚火赤

也易坤卦龍戰于野四七之際火為主四七二八也

自高祖至光武初起合二百二十八年即四七之際也  
或謂光武以二十八歲起兵故云四七之際又二十入  
將亦應四七之數

**正誤**

疆華今按集覽本李質實志云



**中山**郡名注見周威烈王二十三年平棘漢之縣名屬常山國隋省之故城在真定府趙州南三里鄆漢之縣北齊移縣治房子縣東北界隋省之故城在真定府栢鄉縣北二十里

**書法**

書即皇帝位何正統也終綱目書即皇帝位四漢高帝世祖昭烈晉元帝非是無書者矣

**發明**

漢王已平天下猶未正尊位必待諸侯力請而後從之光武未能削平海內遷正尊位何哉創

業之與中興固自不同當是時更始既已敗亡四方私竊名號者非一中外皇皇莫知所嚮世祖苟不早

正位號以繫人心則天下之望孤矣故書蕭王即皇帝位改元大赦者深幸之也烏可以高祖為比而擬

議之哉

**鄧禹擊定河東**

禹圍安邑數月未下更始大將軍樊參劉均將數萬人攻禹禹擊斬之遂定河東

**集覽**

安邑注見周威

烈王二十三年

**長安亂玄奔新豐**

張印與諸將議曰赤眉且至見滅不久不如掠長安歸南陽事若不集復入湖池中為盜耳入說更始更始怒

使王匡陳牧成丹趙萌屯新豐李松軍柳以拒赤眉印與申屠建隗囂合謀欲共劫更始成前計更始知之斬

建使兵圍囂第印等勒兵燒門入戰更始大敗囂潰圍走歸天水更始奔新豐復疑王匡等與印同謀乃並召

入牧丹先至即斬之匡懼

**集覽**

軍柳軍也于柳城也柳將兵入長安與印等合

新豐縣有鴻門質實湖池中未詳處所惟河南府陝州

**質實**

廢湖城西門外有湖水源出閿鄉

亭案柳城即此質實湖池中未詳處所惟河南府陝州縣西南六十里秦山北流入河未知是否

智者察之新豐縣名注見成帝鴻嘉元年

**赤眉以劉盆子稱帝**

赤眉進至華陰軍中有齊巫常鼓舞舞祠城陽景王誑言王怒曰當為縣官何故為賊方望弟陽說樊崇等曰今



將軍擁百萬之衆西向帝城而無稱號名爲羣賊不可  
以久不如此宗室挾義誅伐以此號令誰敢不從崇等  
尚書隨崇等降更始復封式侯萌之子恭茂盆子恭少習  
屬卒史劉俠卿主牧牛至是求軍中景王後得茂盆子  
及前西安侯孝三人崇曰古者天子將兵稱上將軍乃  
爲三札置筒中書其一爲符曰上將軍於鄭北設壇場  
大會列盆子等三人居中立以年次探札盆子最幼後  
探得符諸將皆稱臣拜盆子時年十五被髮徒跣敝衣  
赭汗見衆拜恐畏欲啼茂謂曰善藏符盆子即齧折棄  
之猶朝夕拜劉俠卿時欲出從牧兒

**集覽** 華陰注見獻  
戲俠卿怒止之崇等亦不復候視也

城陽景王 史記王子侯者表漢武封城陽頃王子劉買  
於桐景王 淑於燕 赭汗 面赤而流汗惶懼之意 齧折以  
口嚼齧以

**正誤** 城陽景王 今按漢書諸侯王表齊王肥  
王也傳共王喜頃王廷敬王義惠王武荒王順文王子  
侯表元帝封順子憲爲式侯傳哀侯霸無後成帝以霸  
弟萌紹封十九年免集覽引頃王子劉

**質實** 西安縣名  
買不知其故淑於二字上下有脫誤

三年鄭古邑名周時鄭桓公始封於此秦置縣  
縣屬內史漢末廢之故城在西安府華州之北

秋七月以鄧禹爲大司徒王梁爲大司空吳漢爲大司馬  
伏湛爲尚書令

帝使使持節拜禹大司徒封鄼侯食萬戶禹時年二十  
四又案赤伏符以梁爲大司空又欲以識文用孫成行  
大司馬衆不悅乃以吳漢爲大司馬初更始以湛爲平  
原太守時天下起兵湛獨晏然撫循百姓一境賴以全  
徵爲尚書使典定舊制又以禹

**質實** 鄼縣名注見高帝  
西征拜湛爲司直行司徒事

**質實** 六年王梁漁陽要  
陽人伏湛琅邪東

武人勝九世孫

鄧禹渡河破左輔兵

禹渡河入夏陽更始左輔都尉公

帝如懷遣吳漢等圍洛陽

**質實** 懷縣名注見  
周顯王六年 ○八月亥復

夏陽縣名注  
見建武十年



入長安

更始攻王匡張卬於長安連戰月餘匡等敗走更始乃復入

九月赤眉入長安玄奔高陵

赤眉入長安更始單騎走式侯恭以赤眉立其弟自繫詔獄開敗乃出從更始於渭濱將相皆降獨丞相曹竟

不降手

**質實**

高陵縣名注見周報王四十九年

封玄為淮陽王

**質實**

淮陽國名注見周報王三十六年陳州

詔敢賊害者罪同大逆

以卓茂為太傅封褒德侯

宛人卓茂寬仁恭愛恬蕩樂道雅實不為華貌行已在於清濁之間自束髮至白首與人未嘗有爭競鄉黨故

舊雖行能與茂不同而皆愛慕欣欣焉哀平間為密令視民如子舉善而教口無惡言吏民親愛不忍欺之民

嘗有言部亭長受其米肉遺者茂曰亭長為從汝求乎為汝有事囑之而受乎將平居自以恩意遺之乎民曰

往遺之耳茂曰遺之而受何故言邪民曰竊聞賢明之君使民不畏吏吏不取民今我畏吏是以遺之吏既卒

受故來言耳茂曰汝為散民矣凡人所以羣居不亂異於禽獸者以有仁愛禮義知相敬事也汝獨不欲修之

寧能高飛遠走不在人間邪吏顧不當乘威力彊請求耳亭長素善吏歲時遺之禮也民曰苟如此律何故禁

之茂笑曰律設大法禮順人情今我以禮教汝汝必無怨惡以律治汝汝何所措其手足乎一門之內小者可

論大者可殺也且歸念之初茂到縣有所廢置吏民笑之鄰城聞者皆嗤其不能河南郡為置守令茂不為嫌

治事自若數年教化大行道不拾遺遷京部丞密人老

少皆涕泣隨送及王莽居攝以病免歸上即位先訪求

茂茂時年七十餘詔曰夫名冠天下當受天下重賞今

以茂為太傅封褒德侯司馬公曰光武即位之初羣雄

競逐四海鼎沸彼推堅陷敵之人權畧詭辯之士方見重於世而獨能取忠厚之臣旌循良之吏技於草萊之中真諸羣公之首宜其光復舊物享祚

**集覽**

高密郡隋



改密州敝民敝壞之民道不拾遺雖質實縣一統志云周

遺棄於道人不拾之言其俗淳也

報王十七年密漢之縣名屬河南郡晉屬滎陽郡後周屬滎州隋屬鄭州唐初於縣置密州尋廢州以縣屬鄭州後屬河南府宋屬鄭州尋屬河南府金

### 朱鮪以洛陽降冬十月帝入都之

諸將圍洛陽數月朱鮪堅守不下帝以岑彭嘗為鮪校尉今往說之鮪曰大司徒被害時鮪與其謀又諫更始

無遣蕭王北伐自知罪深不敢降彭還言之帝曰舉大事者不忌小怨鮪今若降官爵可保况誅罰乎河水在

此吾不食言彭復往告鮪即降拜平狄將軍封扶溝侯傳封累世侍御史杜詩安集洛陽將軍蕭廣縱兵暴橫

詩救曉不改遂格殺廣上召見賜棨戟擢質實一統志

任之十月車駕入洛陽幸南宮遂定都焉質實云扶溝

### 淮陽王降於赤眉

漢之縣名屬淮陽國東漢末廢之故城在開封府城西南百五十里杜詩河內汲人南宮注見高帝五年

質實長沙國名注見獻帝興平三年

### 鄧禹引軍屯拘邑

劉盆子居長樂宮兵士暴掠百姓不知所歸聞鄧禹乘勝獨克而師行有紀皆望風相攜負以迎軍降者日以

千數眾號百萬禹所止輒停車挂節以勞來之父老童釋垂髻戴白滿其車下莫不感悅於是名震關西諸將

豪傑皆勸禹徑攻長安禹曰不然今吾衆雖多能戰者少前無可仰之積後無轉饋之資赤眉新拔長安財穀

充實鋒銳未可當也夫盜賊羣居無終日之計財穀雖多寧能堅守者邪上郡北地安定三郡土廣人稀饒穀

多畜吾且休兵北道就糧養士以觀其敝乃可圖也禹於是引軍北至拘邑所到諸營堡郡邑皆開門歸附

集覽

師行有紀軍師之行皆有紀律攜負攜在手負在背垂髻小兒髮之垂者戴白老人頭戴白髮者積

子智反韻會訓聚也拘邑地理志在扶風

質實

長樂宮注見景帝三年拘邑縣名注見建武六年



十一月梁王永稱帝○十二月赤眉殺淮陽王

三輔若赤眉暴虐皆憐更始欲盜出之張卬等使謝祿  
縊殺之劉恭夜往收葬其屍帝詔鄧禹葬之於霸陵

**集覽**

霸陵注見漢文帝二年

**書法**

孰殺之張卬使人殺之也卬故臣也其不書殺何於是玄降賊矣則是與卬等耳故以兩下相

殺書之而卬書赤眉綱目之法夷蠻盜賊書殺不書弑

隗囂據天水自稱西州上將軍

隗囂歸天水復聚其眾自稱西州上將軍三輔士大夫  
避亂者多歸之囂傾身引接為布衣交以范逡為師友

鄭興為祭酒申屠剛杜林為治書馬援楊廣王遵周宗  
邢巡王元為將軍班彪之屬為賓客名震西州援少以

家貧欲就邊郡田牧兄况曰汝大才當晚成良工不示  
人以朴且從所好遂之北地田牧常謂賓客曰丈夫為

志窮當益堅老當益壯後有畜數千頭穀數萬斛既而  
漢曰凡殖財產貴能賑施也否則守錢虜耳乃盡散於

親舊聞隗囂好士往從之囂甚敬重與決籌策彪釋之子也

**實實**

鄭興河南開封人申屠剛扶風茂陵人

上杜林同上馬援同人班彪扶風安陵人

竇融據河西自稱五部大將軍

竇融累世仕宦河西知其土俗更始時私謂兄弟曰天  
下安危未可知河西殷富帶河為固張掖屬國精兵萬

騎一旦緩急杜絕河津足以自守此遺種處也乃因趙  
萌求往更始以為張掖屬國都尉融既到撫結雄傑懷

輯羗虜得其歡心與太守都尉統等五人允厚善及  
更始敗相與議曰今天下擾亂未知所歸河西斗絕在

羗胡中不同心戮力則不能守權鈞力齊後無以相率  
當推一人為大將軍共全五郡觀時變動乃推融行河

西五郡大將軍事以眾統為武威太守史苞為張掖太  
守竺曾為酒泉太守辛彤為燉煌太守唯車鈞為金城

太守如故而融亦仍居焉國領都尉職置從事監察五  
郡河西民俗質樸而融等政亦寬和上下相親晏然富

殖修兵馬習戰射明烽燧羗胡犯塞融自將與諸郡相  
救皆如符要每輒破之由是羗胡震服親附流民歸之



**集覽** 張掖一西河五郡之一斗絕斗與斗通言如斗之峻  
立峭極五郡張掖酒泉燉煌金城武威為河西五  
郡 **質實** 賈融平陵人廣國七世  
孫梁統安定烏氏人

### 盧芳據安定自稱西平王匈奴迎之立以為漢帝

安定盧芳詐稱武帝曾孫劉文伯自立為上將軍西平  
王使使與匈奴結和親單于以為漢氏中絕劉氏來歸  
我亦當如呼韓邪立之令尊事我 **集覽** 安定秦為北地  
乃使騎迎芳入匈奴立為漢帝

唐為涇州宋 **質實** 一統志云安定漢之郡名治高平縣  
改曰彰化軍

水為名隋復為安定郡治安定縣唐復為涇州改縣為  
保定縣天寶初改州為安定郡後復為涇州宋改漳化為

軍金復為涇州改縣曰涇川屬平涼府元仍  
舊國朝因之以涇川縣省入屬平涼府

**書法** 厥網目書蠻夷立以為帝王者三匈奴於盧芳突  
不揚稱可汗

### 將軍馮愔反

帝以關中未定而鄧禹久不進兵賜書責之禹猶執前  
意別攻上郡諸縣更徵兵引穀將軍馮愔宗歆守拘邑  
爭權相攻愔遂殺歆因反擊禹遣使以問帝問使人  
愔所親愛為誰對曰護軍黃防報禹曰縛馮愔者必黃  
防也乃遣尚書宗廣持節  
往降之防果執愔歸罪

### 鄧禹承制以隗囂為西州大將軍

馮愔之叛也引兵西向天水隗囂擊破之於是禹承制  
遣使持節命囂為西州大將軍得專制涼州朔方事

**集覽** 天水隴西郡名今利 **質實** 一統志云天水漢之郡  
州西路有天水郡

漢陽郡治冀縣三國魏置秦州晉改漢陽為天水郡治  
上邽尋廢復置秦州宋齊復為天水郡隋廢郡為秦州

大業初復為天水郡唐復為秦州天寶初改天水郡乾  
元初復為秦州後移治成紀宋開禧初為天水軍治天

水縣金為鎮遠軍治成紀元復為秦州  
以成紀縣省入國朝因之屬鞏昌府



田邑以上黨降

帝遣劉延攻天井關更始將田邑拒之不得進及更始敗邑請降即拜上黨太守帝又遣儲天伯持節徵鮑永永未知更始存亡收繫大伯

**集覽**

天井關注見光武建武元年上黨路州邑

遺使馳至長安問虛實

**質實**

鮑永屯留人

二年春正月朔日食

丙戌

劉恭知赤眉必敗密教弟盆子歸璽綬習為辭讓之言及是日大會盆子下牀解璽綬叩頭曰今謀置縣官而為賊如故四方怨恨不復信向此皆立非其人所致願乞骸骨避賢聖路必欲殺盆子以塞責者無所離死因涕泣嗚呼崇等憐之避席頓首曰臣無狀負陛下請後不敢因共抱持盆子帶以璽綬盆子號呼不得已既罷出各閉營自守三輔翕然稱天子聰明百姓如故

**集覽**

賢

遣吳漢等破檀鄉賊於鄴東

冠魏郡清河魏郡人吏李熊弟陸謀反賊迎之或以告太守姚期期召問熊熊首服期曰為吏黨不若為賊樂者可往就之使吏送出城熊行求得陸將詣城門陸不勝愧感自殺以謝期期以禮葬之而還熊故職於是郡中服其威信帝遣吳漢率九將軍擊檀鄉破之十餘萬

**集覽**

檀鄉地名

**正誤**

檀鄉今按地在山陽郡瑕丘縣東北賊初起於

此因

**質實**

姚期類

悉封諸功臣為列侯

梁侯鄧禹廣平侯吳漢皆食四縣傳士丁恭議曰古者封諸侯不過百里今封四縣不合法制帝曰古之亡國

皆以無道未嘗聞功臣地多而滅亡者也陰鄉侯陰識

邑此為親戚受賞國人計功也帝從之使即中魏郡馮勤典諸侯封事勤差量功次輕重國土遠近地勢豐薄



不相踰越莫不厭服焉帝以為能尚書衆事皆令總錄之故事尚書即以令史久次補帝始用孝廉為之

**覽**

掖庭宮苑之中地勢豐薄猶言地利肥瘠也

**質實**

一統志云梁漢之縣名屬河南郡後廢之故城

在河南府城北三百七十五里汝州境內廣平縣名注見建武二十年陰鄉地名在河南府新野縣東北三十里

### 立宗廟郊社于洛陽

起高廟于洛陽四時合化高祖太宗世宗建社稷于宗廟之右立郊兆于城南

### 赤眉大掠長安西入安定北地

長安城中糧盡赤眉收珍寶燒宮室恣殺掠城中無復人行乃引兵號百萬轉掠而西遂入安定北地

### 鄧禹入長安

禹入長安謁高廟收神主送洛陽行園陵置吏士奉守

### 真定王楊謀反伏誅

**質實**

真定國名注見宣帝中平二年常山郡

○鮑永來

降

鮑永馮衍審知更始已亡乃發喪出儲大伯等封上印綬悉罷兵幅中詣河內帝見永問曰卿衆安在永離席

叩頭曰臣事更始不能令全誠慙以其衆幸富貴故悉罷之帝曰卿言大而意不悅既而永以立功見用衍遂

廢棄永謂衍曰昔高祖賞季布之罪誅丁固之功今遭明主亦何憂哉衍曰天命難知人道易守守道而已何

患死

**集覽**

賞季布之罪季布為項籍將數窘高帝帝後赦布召拜郎中誅丁固之功丁公為項羽將

逐窘高帝至是謁見帝斬以狗軍中

### 大司空梁罷以宋弘為大司空

王梁屢違詔命帝怒欲誅之既而赦之以為中郎將北守箕關以宋弘為大司空弘薦桓譚為議郎給事中帝

令譚鼓琴愛其繁聲弘聞之不悅伺譚出朝服坐府上遣吏召之譚至不與席而讓之譚頓首辭謝良久乃遣



之後大會羣臣帝使譚鼓琴譚見弘失其常度帝怪而問之弘乃離席免冠謝曰臣所以薦譚者望能以忠直導主而今朝廷耽悅鄭聲臣之罪也帝改容謝之湖陽公主新寡帝與共論朝臣微觀其意主曰宋公威容德器羣臣莫及後弘被引見帝令主生屏風後因謂弘曰謗言貴易交富易妻人情乎弘曰臣聞貧賤之交不可志糟糠之妻不下堂帝顧謂主曰事不諧矣

### 漁陽太守彭寵反

帝之討王郎也彭寵發突騎轉糧食前後不能絕及帝追銅馬至薊寵自負其功意望甚高帝接之不能滿及吳漢王梁為三公寵愈快快幽州牧朱浮年少有俊才欲厲風迹收士心多所辟召發諸郡倉穀廩贍之寵以為師旅方起不宜多置官屬以損軍實浮數譖寵上輒漏世令寵聞以脅恐之至是徵寵寵益自疑其妻固勸無受徵帝遣寵從弟子后蘭卿喻之寵遂發兵反攻浮於薊又數遣使要誘耿况况斬其使

### 延岑反據漢中公孫述擊取之

延岑復反漢中王嘉敗走岑遂據漢中為更始將李寶所破走天水公孫述遂取南鄭嘉擊之不利岑引北入散關嘉追擊破之述遣將從關中下

### 遣執金吾賈復擊郾破之

更始諸大將在南方未降者尚多帝召諸將議曰郾最疆宛為次誰當擊之賈復率然對曰臣請擊郾帝笑曰執金吾擊郾吾復何憂大司馬當擊宛遂遣復擊郾破之尹尊降

**質實**

湖陽縣名注見新莽地皇三年宋弘京兆長安人

**集覽**

快快心懷

**質實**

薊縣名注見帝平之意

**質實**

散關注見唐僖宗光啓三



許州宋屬潁昌府金元屬許州 國朝因之  
屬開封府宛縣名注見周威烈王十七年

夏四月遣將軍蓋延等擊劉永圍睢陽

**集覽**

睢陽今歸德府是注見漢

景帝元年

**實實**

睢陽縣名注見後  
主延熙十八年

**書法**

前書梁王永矣此其曰劉永何稱  
帝也故削之曷為削之大一統也

○遣吳漢擊宛宛王賜降

賜奉更始妻  
子來降封侯

封兄續子章為太原王與為魯王淮陽王子三人為列侯

○六月立貴人郭氏為皇后子彊為皇太子

帝以貴人陰麗華雅性寬仁欲立以為后  
貴人以郭貴人有子終不肯當乃立郭后

**書法**

東漢皇后皆自貴人進立序也故悉書立貴人  
某氏終東漢之世書立貴人某氏為皇后者十

九月赤眉發掘諸陵復入長安鄧禹戰不利走雲陽延岑

屯杜陵

赤眉引兵欲上隴隗囂遣將迎擊破之赤眉乃復還發  
掘諸陵取其寶貨凡有五匣殮者率皆如生賊遂汙辱

呂后屍鄧禹擊之反為所敗禹乃出之雲陽赤眉復入  
長安延岑屯杜陵赤眉將逢安擊之岑大破安軍死者

十餘萬人

**實實**

一統志云隴山名注見建武七年隴坻雲陽  
縣名注見建武二十五年杜陵漢之縣名屬

京兆尹三國魏廢之故址在西  
安府東南一十五里樂游原

冬遣將軍岑彭王常等討鄧奉

帝於大會中指王常謂羣臣曰此家率下江諸軍輔翼  
漢室心如金石真忠臣也即日拜漢忠將軍使與岑彭

率七將軍  
討鄧奉

遣將軍馮異入關徵鄧禹還京師



鄧禹自馮愾叛後威名稍損又乏糧食戰數不利歸附者日益離散帝乃遣偏將軍馮異代禹送至河南救異曰三輔遭王莽更始之亂重以赤眉延岑之酷元元塗炭無所依訴將軍今奉辭討諸不軌營堡降者遣其渠帥詣京師散其小民令就農桑壞其營壁無使復聚征伐非必畧地屠城要在乎定安集之耳諸將非不健聞然好虜掠卿本能御吏士念自修救無為郡縣所苦異頓首受命引而西所至布威信羣盜多降司馬公曰周頌曰敷時繹思我祖惟求定光武之所以取關中用是道也豈不美哉○又詔徵鄧禹還曰慎毋與窮寇爭鋒赤眉無穀自當來降吾以飽待饑以逸待勞折筮筮之非諸將憂也無得復妄進兵

**集覽**

元元塗炭元元者

善人也元元者非一人也民陷於塗炭於炭也

遣光祿大夫伏隆拜張步為東萊太守

**集覽**

東萊郡名屬青州注見漢

安帝永初二年○十二月詔復宗室列侯為莽所絕者○三輔大

饑赤眉東出馮異與戰破之

四惟桓后梁氏不書貴人失序也故異其文

秋賈復擊召陵新息皆平之

**質實**

召陵邑名注見平帝元始四年新息縣名注同

年上

賈復部將殺人於潁川太守寇恂戮之復以為耻欲殺恂恂知之不欲與相見姊子谷崇曰崇將也得帶劍侍側有變足以相當恂曰不然昔蘭相如不畏秦王而屈於庶煩者為國也乃敕屬縣盛供具儲酒醪執金吾軍入界一人皆兼二人之饌恂出迎於道稱疾而還復勒兵欲追之而吏士皆醉遂過去恂遣谷崇以狀聞帝乃徵恂恂至引見時復先在坐欲起避之帝曰天下未定兩虎安得私鬪今日朕分之於是並坐極歡遂共車同出結友而去

八月帝自將征五校降之

**質實**

五校注見宣帝神爵元年

○遣將軍鄧

隆討彭寵不克



應為“82”



帝遣鄧隆助朱浮討彭寵隆軍路南浮軍雍奴遣吏奏  
狀帝曰營相去百里其勢不相及比若還北軍必敗矣  
寵果遣輕兵擊隆軍大破之浮不能救

**質實** 雍奴縣名注見建武十二年

### 蓋延克睢陽劉永走湖陵

蓋延圍睢陽數月克之劉永奔譙蘇茂攸彊周建合軍  
三萬餘人救永延與戰大破之永走保湖陵延遂定沛  
楚臨

**質實** 譙縣名注見獻帝建安十四年湖陵縣名注見建武二年

### 青徐羣盜張步等降

帝使伏隆持節使青徐二州羣盜聞劉永破敗皆惶怖請降張步遣其掾隨隆詣闕

**質實** 伏隆琅邪東武人湛之子

### 將軍鄧奉反

吳漢徇南陽多侵暴將軍鄧奉謁歸新野恣漢掠其鄉里遂反擊破漢軍與諸賊合從

三輔大饑城郭皆空遺民往往聚為營堡各堅壁清野  
赤眉虜掠無所得乃引而東來尚二十餘萬帝遣侯進  
屯新安耿弇屯宜陽敕曰賊若東走可引宜陽兵會新  
安南走可引新安兵會宜陽馮異與赤眉遇於華陰戰  
數十合降 **集覽** 華陰縣名 **質實** 新安縣名注見楚義帝  
五千餘人 **質實** 華州縣名 **質實** 元年宜陽縣名注見周  
安王十二年華陰縣名注見獻帝興平二年



資治通鑑綱目卷之第八

三	赤	步	與	楚	正	夫	武
節	帝	勇	南	南	王	王	王
大	帝	帝	帝	帝	帝	帝	帝
大	帝	帝	帝	帝	帝	帝	帝
大	帝	帝	帝	帝	帝	帝	帝
大	帝	帝	帝	帝	帝	帝	帝
大	帝	帝	帝	帝	帝	帝	帝
大	帝	帝	帝	帝	帝	帝	帝
大	帝	帝	帝	帝	帝	帝	帝
大	帝	帝	帝	帝	帝	帝	帝
大	帝	帝	帝	帝	帝	帝	帝
大	帝	帝	帝	帝	帝	帝	帝
大	帝	帝	帝	帝	帝	帝	帝
大	帝	帝	帝	帝	帝	帝	帝
大	帝	帝	帝	帝	帝	帝	帝
大	帝	帝	帝	帝	帝	帝	帝
大	帝	帝	帝	帝	帝	帝	帝
大	帝	帝	帝	帝	帝	帝	帝
大	帝	帝	帝	帝	帝	帝	帝
大	帝	帝	帝	帝	帝	帝	帝
大	帝	帝	帝	帝	帝	帝	帝
大	帝	帝	帝	帝	帝	帝	帝
大	帝	帝	帝	帝	帝	帝	帝





